



小學弦歌卷四

教夫婦之倫

黃鵠歌

魯陶嬰者陶明之女也少寡魯人或聞其義將求焉嬰作歌以明志

悲夫黃鵠之早寡兮七年不雙宛頸獨宿兮不與眾同
夜半悲鳴兮想其故雄天命早寡兮獨宿何傷寡婦念
此兮泣下數行嗚呼哀哉兮死者不可忘飛鳥尚然兮
況於貞良雖有賢雄兮終不同行

烏鵲歌

宋何氏

小學弦歌

卷四教夫婦之倫

一 字三百廿二 點一百二 安

南山有烏北山張羅鳥自高飛羅當奈何
戰國時韓憑為宋康王舍人妻何氏美王欲之築青陵臺何氏作此以見志遂自縊

烏鵲雙飛不樂鳳凰妾是庶人不樂宋王

古詩為焦仲卿妻作

漢人

漢末建安中廬江府小吏焦仲卿妻劉氏為仲卿母所遣自誓不嫁其家逼之乃投水死仲卿聞之亦自縊於庭樹時人傷之為詩云爾

孔雀東南飛五里一表裏十三能織素十四學裁衣十
五彈箜篌十六誦詩書十七為君婦心中常苦悲君既
為府吏守節情不移賤妾留空房相見常日稀雞鳴入



機織夜夜不得息。三日斷五疋。大人故嫌遲。非爲織作遲。君家婦難爲。妾不堪驅使。徒留無所施。便可白公姥。及時相遣歸。府吏得聞之。堂上啟阿母。兒已薄祿相。幸復得此婦。結髮同枕席。黃泉共爲友。共事三二年。始爾未爲久。女行無偏斜。何意致不厚。阿母謂府吏何。乃太區區。此婦無禮節。舉動自專由。東家有賢女。自名秦羅敷。可憐體無比。阿母爲汝求。便可速遣之。遣去慎莫留。府吏長跪告。伏惟啟阿母。今若遣此婦。終老不復取。阿母得聞之。槌牀便大怒。小子無所畏。何敢助婦語。吾已小學。弦歌。

卷四 教夫婦之倫

一 字三見六
点一百七十八 安

失恩義。會不相從許。府吏默無聲。再拜還入戶。舉言謂新婦。哽咽不能語。我自不驅卿。逼迫有阿母。卿但暫還家。吾今且報府。不久當歸還。還必相迎取。新婦謂府吏。勿復重紛紜。往昔初陽歲。謝家來貴門。奉事循公姥。進止敢自專。晝夜勤作息。伶俜縈苦辛。謂言無罪過。供養卒大恩。仍更被驅遣。何言復來還。妾有繡腰襦。葳蕤自生光。紅羅襖斗帳。四角垂香囊。箱簾六七十。綠碧青絲繩。人賤物亦鄙。不足迎後人。留待作遺施。於今無會因。時時爲安慰。久久莫相忘。雞鳴外欲曙。新婦起嚴妝。著

我繡袂裙頭上。玳瑁光腰若流紈。素耳著明月。璫纖纖作細步。精妙世無雙。上堂拜阿母。阿母怒不止。昔作女兒時。生小出野里。本自無教訓。兼愧貴家子。受母錢帛多。不堪母驅使。今日還家去。念母勞家裏。卻與小姑別。淚落連珠子。新婦初來時。小姑始扶牀。今日被驅遣。小姑如我長。勤心養公姥。好自相扶將。初七及下九。嬉戲莫相忘。出門登車去。涕落百餘行。府吏馬在前。新婦車在後。隱隱何甸甸。俱會大道口。下馬入車中。低頭共耳語。誓不相隔卿。且暫還家去。不久當還歸。誓天不相負。

小學歌

卷四 教夫婦之倫

三

三百九十九
二百〇三

杜

新婦謂府吏。感君區區懷。君既若見錄。不久望君來。君當作磐石。妾當作蒲葦。蒲葦韌如絲。磐石無轉移。我有親父兄。性行暴如雷。恐不任我意。逆以煎我懷。舉手長勞勞。二情同依依。入門上家堂。進退無顏儀。阿母大拊掌。不圖子自歸。十三教汝織。十四能裁衣。十五彈箏篴。十六知禮儀。十七遣汝嫁。謂言無誓違。汝今何罪過。不迎而自歸。蘭芝慚阿母。阿母大悲摧。還家十餘日。縣令遣媒來。云有第三郎。窈窕世無雙。年始十八九。便言多令才。阿母謂阿女。汝可去應之。阿女含淚答。蘭芝初還

時府吏見丁寧結誓不別離今日違情義恐此事非宜
自可斷來信徐徐更謂之阿母白媒人不堪吏人婦幸
可廣問訊不得便相許媒人去數日尋遣丞請還云有
第五郎嬌逸未有婚遣丞爲媒人主簿通語言直說太
守家有此令郎君既欲結大義故遣來貴門阿母謝媒
人有誓豈敢言阿兄得聞之悵然心中煩舉言謂阿妹
作計何不量先嫁得府吏後嫁得郎君否泰如天地足
以榮汝身不嫁義郎體其往欲何云蘭芝仰頭答理實
如兄言謝家事夫壻中道還兄門處分適兄意那得自
小學弦歌

卷四教夫婦之倫

四

三百九十八
一百七十三

杜

任專雖與府吏要渠會永無緣登即相許和便可作婚
媼媒人下牀去諾諾復爾爾還部曰府君心中大歡喜
視歷復開書便利此月內良吉三十日卿可去成婚交
語速裝束絡繹如浮雲青雀白鵠舫四角龍子幡婀娜
隨風轉金車玉作輪躑躅青驄馬流蘇金縷鞍齎錢三
百萬皆用青絲穿雜綵三百疋交廣市銚珍從人四五
百鬱鬱登郡門阿母謂阿女府君來迎汝何不作衣裳
莫令事不舉阿女默無聲淚落便如瀉移我琉璃榻出
置前窗下左手持刀尺右手執綾羅朝成繡袂裙晚成

單羅衫。掩。掩。日。欲。暝。愁。思。出。門。啼。府。吏。聞。此。變。因。求。假。
暫。歸。未。至。二。三。里。摧。藏。馬。悲。哀。新。婦。識。馬。聲。躡。履。遙。相。
望。舉。手。拍。馬。鞍。嗟。嘆。使。心。傷。自。君。別。我。後。人。事。不。可。量。
果。不。如。先。願。又。非。君。所。詳。我。有。親。父。母。逼。迫。兼。弟。兄。以。
我。應。他。人。君。還。何。所。望。府。吏。謂。新。婦。賀。卿。得。高。遷。磐。石。
方。且。厚。可。以。卒。千。年。蒲。葦。一。時。韌。便。作。旦。夕。閒。卿。當。日。
勝。貴。吾。獨。向。黃。泉。新。婦。謂。府。吏。何。意。出。此。言。同。是。被。逼。
迫。君。爾。妾。亦。然。黃。泉。下。相。見。勿。違。今。日。言。執。手。分。道。去。
各。各。還。家。門。生。人。作。死。別。恨。恨。那。可。論。其。日。牛。馬。嘶。新。
小。學。弦。歌

卷四 教夫婦之倫

五

二五十九

小

婦人青廬奄奄黃昏後寂寂人定初我命絕今日魂去
尸長留攬裙脫絲履舉身赴清池府吏聞此事心知長
別離徘徊顧樹下自掛東南枝兩家求合葬合葬華山
旁東西植松柏左右種梧桐枝枝相覆蓋葉葉交相通
中有雙飛鳥自名爲鴛鴦仰頭相向鳴夜夜達五更行
人駐足聽寡婦起彷徨多謝後世人戒之慎勿忘

陌上桑

漢人

日出東南隅照我秦氏樓秦氏有好女自名爲羅敷羅
敷善蠶桑採桑城南隅青絲爲籠系桂枝爲籠鉤頭上

倭墮髻耳中明月珠。綉綺爲下裙。紫綺爲上襦。行者見
羅敷。下擔捋髭鬚。少年見羅敷。脫帽著綃頭。耕者忘其
犁。鋤者忘其鋤。來歸相怨怒。但坐觀羅敷。一使君從南
來。五馬立踟躕。使君遣吏往問。是誰家姝。秦氏有好女。
自名爲羅敷。羅敷年幾何。二十尙不足。十五頗有餘。使
君謝羅敷。寧可共載不。羅敷前致詞。使君一何愚。使君
自有婦。羅敷自有夫。二解東方千餘騎。夫婿居上頭。何用
識夫婿。白馬從驪駒。素絲繫馬尾。黃金絡馬頭。腰中鹿
盧劍。可值千萬餘。十五府小吏。二十朝大夫。三十侍中
郎。四十專城居。爲人潔白皙。鬢鬢頗有鬚。盈盈公府步。
冉冉府中趨。坐中數千人。皆言夫婿殊。三解

留郡贈婦詩 三首

漢 秦嘉

嘉爲上郡掾其妻徐淑寢疾還家不獲面別贈詩云爾

人生譬朝露。居世多屯蹇。憂艱常早至。歡會常苦晚。念
當奉時役。去爾日遙遠。遣車迎子還。空往復。空返省書
情。悽愴臨食不能飯。獨坐空房中。誰與相勸勉。長夜不
能眠。伏枕獨展轉。憂來如循環。匪席不可卷。

皇靈無私親。爲善荷天祿。傷哉與汝身。少小罹癯獨。旣

小學 苕歌

卷四 敬夫婦之倫

六 二七九 杜

得結大義歡樂苦不足念當遠離別思念敘款曲河廣無舟梁道近隔邱陸臨路懷惆悵中駕正躑躅浮雲起高山悲風激深谷良馬不迴鞍輕車不轉轂鍼藥可屢進愁思難爲數貞士篤終始恩義不可促

肅肅僕夫征鏘鏘揚和鈴清晨當引邁束帶待雞鳴顧看空室中髣髴想姿形一別懷萬恨起坐爲不寧何用敘我心遺思致款誠寶釵好耀首明鏡好鑒形芳香去垢穢素琴有清聲詩人感木瓜乃欲答瑤瓊愧彼贈我厚慚此往物輕雖知未足報費用敘我情發乎情止乎禮義足徵人倫之厚

小學弦歌

卷四教夫婦之倫

七

三七十一 杜章

古詩

漢人

上山採薜蘿下山逢故夫長跪問故夫新人復何如新人雖言好未若故人姝顏色類相似手爪不相如新人從門入故人從閣去新人工織縑故人工織素織縑日一匹織素五丈餘將縑來比素新人不如故

燕詩

南齊

王

氏

衛敬瑜妻

襄陽衛敬瑜早喪其妻灞陵王整妹也年十六父母舅姑咸欲嫁之誓不許截耳爲誓乃止戶有燕巢常雙來去後忽孤飛女感之謂曰能如我乎因以縷志其足明年復來孤飛如故猶帶

前縷女因作此自爾春來秋去凡六七年後復來女已死燕繞舍哀鳴人告之葬處即飛就墓哀鳴不食而死人因瘞之於旁號燕冢

去歲孤飛去今春猶獨歸故人恩既重不忍復雙飛

烈女操 唐孟郊

梧桐相待老鴛鴦會雙死貞婦貴殉夫本性固如此波瀾誓不起妾心古井水此與遊子吟皆有益倫常之作

新婚別 杜甫

兔絲附蓬麻引蔓故不長嫁女與征夫不如棄路旁結髮為妻子席不煖君牀暮昏晨告別無乃太匆忙君行卷四教夫婦之倫 八二〇六十八 章二〇七

雖不遠守邊赴河陽妾身未分明何以拜姑嫜父母養我時日夜令我藏生女有所歸雞狗亦得將君今生死地沈痛迫中腸誓欲隨君去形勢反倉黃勿為新婦念努力事戎行婦人在軍中兵氣恐不揚自嗟貧家女久致羅襦裳羅襦不復施對君洗紅妝仰視百鳥飛大小必雙翔人事多錯迕與君永相望與東山零雨之詩並讀時之盛衰可知矣

佳人 杜甫

絕代有佳人幽居在空谷自云良家子零落依草木關

文中子欲取漢魏諸人詩以續經此種詩何不可續

中昔喪亂兄弟遭殺戮官高何足論不得收骨肉世情
惡衰歇萬事隨轉燭夫婿輕薄兒新人美如玉合昏尙
知時鴛鴦不獨宿但見新人笑那聞舊人哭在山泉水
清出山泉水濁侍婢賣珠迴牽蘿補茆屋摘花不插鬢
采柏動盈掬天寒翠袖薄日暮倚修竹

結句不著議論而清潔貞正之意隱然言外是爲詩品

蜀路石婦

白居易

道旁一石婦無記亦無銘傳是此鄉女爲婦孝且貞十
五嫁邑人十六夫征行夫行二十載婦獨守孤茆其夫
小學弦歌
卷四教夫婦之倫
九
九九四一五
九九十二
安
有父母老病不可寧其婦執婦道一一如禮經晨昏問
起居恭順發心誠藥餌自調節饕羞必甘馨夫行竟不
歸婦德轉光明後人高其節刻石像婦形儼然整衣布
若立在閨庭似見舅姑禮如聞環佩聲至今爲婦者見
此孝心生不比山頭石空有望夫名

贈內

白居易

生爲同室親死爲同穴塵他人尙相勉而况我與君黔
婁固窮士妻賢忘其貧冀缺一農夫妻敬儼如賓陶潛
不營生翟氏自爨薪梁鴻不肯仕孟光甘布裙君雖不

讀書此事耳亦聞至此千載後傳是何如人生未死
閒不能念其身所須者衣食不過飽與溫蔬食足充飢
何必嘗膏珍繒絮足禦寒何必錦繡文君家有遺訓清
白貽子孫我亦貞苦士與君新結婚庶保貧與素偕老
同欣欣

遣悲懷三首

元稹

謝公最小偏憐女自嫁黔婁百事乖顧我無衣搜盡篋
泥他沽酒拔金釵野蔬充膳甘長藿落葉添薪仰古槐
今日俸錢過十萬與君營莫復營齋

小學弦歌

卷四教夫婦之倫

十一
可人
安

昔日戲言身後意今朝都到眼前來衣裳已施行看盡
鍼線猶存未忍開尙想舊情憐僕婢也曾因夢送錢財
誠知此恨人人有貧賤夫妻百事哀

閒坐悲君亦自悲百年多是幾多時鄧攸無子尋知命
潘岳悼亡猶費詞同穴窅冥何所望他生緣會更難期
惟將終夜常開眼報答平生未展眉

讀末二語
使人惻然

寫真寄外

薛媛
南楚
妻

濠梁南楚材旅遊無反意媛對
鏡寫真并詩寄之楚材遂歸

欲下丹青筆先拈寶鏡寒已驚顏索寞漸覺鬢凋殘淚

眼描將易愁腸寫出難恐君渾忘卻時展畫圖看

寄外征衣

陳玉蘭

王駕妻

夫戍邊關妾在吳西風吹妾妾憂夫一行書寄千行淚
寒到君邊衣到無

書感

宋 杜善甫

有領兵官遠戍於外其妻宴客笙歌竟夕善甫刺以詩

高燒銀燭照雲鬟沸耳笙歌徹夜闌不念征西人萬里
玉關霜重鐵衣寒

絕命詩

韓希孟

賈瓊妻

小學弦歌

卷四教夫婦之倫

十一 九十七

洪春

希孟巴陵人魏公五世孫女襄陽賈尚書子瓊之婦年十八開慶初元兵至岳陽為卒所掠赴水死越三日得其屍練裙帶中有此詩

我質本瑚璉宗廟供蘋蘩一朝嬰禍難失足戎馬間
當血刃死不作枉席完漢上有王猛江南無謝安長號
赴洪水激烈摧心肝

中二語感憤時局不愧魏公之女孫

絕命辭

盧氏

吳源妻

統制吳源救襄陽陣沒盧聞赴大勳部署家事畢焚香泣拜曰夫死王事忠也妾敢不相從於地下遂賦此詩自縊死

夫為萇宏血妾感共姜詩夫妻同死義天地一淒其

寄衣詩

鄧氏

欲寄寒衣上帝都，連宵裁翦眼模糊。可憐寬窄無人試，淚逐西風灑去途。

詠竹

黃淑王防妻

淑適建寧進士王防，寡居後，族議改適，因詠竹以見志。

勁直忠臣節，孤高烈女心。四時同一色，霜雪不能侵。

詠秋胡妻

錢穎

郎情紙薄妾冰清，郎說黃金妾不磨。若使偶然通一笑，

半生誰信守孤燈。人心惟危，讀此益覺毛髮悚然。

小學弦歌

卷四 教夫婦之倫

十一

九十一 春

寄鞵鞮

上庠士人妻

布鞵青鞵巧樣新，殷勤寄與讀書人。好將穩步青雲上，

莫向平康漫惹塵。得雄雉詩人之意

答張平章

金元氏

元氏好問之妹，為女冠文而豔。張平章欲娶之，遂往訪，至則方補承塵，俗名天花板者也。張詢近日所作，元應聲答以此詩，張悚然而出。

補天手段暫施張，不許纖塵落畫堂。寄語新來雙燕子，

移巢別處覓雕梁。不愧遺山之妹

變白頭吟

曹之謙

梧桐不獨老。鴛鴦期雙死。靜女懷貞心。殉夫亦如此。柰
何及末流。不知再醮羞。中路多反目。幾人能白頭。君不
見會稽愚婦輕負薪。不肯終身事買臣。一朝歸佩太守
印。悔望車塵那敢近。人生賦命自不齊。貧賤富貴各有
時。一與之齊終不改。海枯石爛堅難移。此刺婦之再醮者有功倫紀之作

擬白頭吟

元 楊維禎

買妾千黃金。許身不許心。使君自有婦。夜夜白頭吟。得

百篇風人之旨

小學弦歌

卷四 教夫婦之倫

三

三 小春

田家婦

于 石

村南村北麥欲枯。桑麻陰陰滿路隅。炊黍田頭行餉夫。
餅爐未熟兒呱呱。鴨頭長韮短布襦。平生未識鉛與朱。
彈箏不用如羅敷。懷金不願逢秋胡。眼前富貴何足娛。
一身飽暖自有餘。茅簷笑語寒燈孤。夜春曉織奉舅姑。

黃鵠謠 爲余節婦作

李孝光

黃鵠黃鵠。牝牡相隨。遊于四海。不識別離。始妾結髮時。
與君年相齊。一朝納伉儷。百歲以爲期。柰乎中路而
捐子與妻。自君之徂。妾逢百罹。父母將我去。親戚奪我

志不能諒我祇令增傷悲憶君垂訣託我孤兒我嗔君
言奈何見疑晨起作羹與糜不饋我子饋阿誰嗟我不
如黃鵠將壯與子至死相隨飛我寧用生爲眾人不識
惟有天公知

張節婦詞

靈壽張明府嫡母早寡守志

明高啟

誰言妾有夫中路棄妾身先徂誰言妾無子側室生兒
與夫似兒讀書妾辟纊空房夜夜聞啼烏兒能成名妾
不嫁良人瞑目黃泉下

苦節能甘道破千萬世節母心事

姚烈婦

高啟

小學弦歌

卷四教夫婦之倫

西

三

春

坡頭黑雲如壞屋車走爭門折千軸姚家新婦亦東逃
舅姑驚惶兒女噪自知數口難俱免欲渡前溪舟尙遠
囑夫棄妾當奉親獨赴清流不愛身此日誰能問南史
如婦曾書幾人死

陳節婦

有序

高啟

節婦姓孫郡人陳已久之妻也已久客死節婦
守志其孫彥遜求題賦此

嬌兒笑語羅幃暮銀燭搖光夜香度狂風忽起海東頭
吹斷蘭舟去時路去時豈惜千金軀煙濤竟沒珊瑚樹

精衛冤深水更深身小天高向誰訴寂寞塵香掩鏡光
可憐不復照晨妝階前莫翦青青草生死終身不下堂
堂中素幔空時祭賴有孤兒拜虛位白日哀思眼不乾
夜枕還流夢中淚妾本孤桐斷作琴一絃只作一絃音
逢人不奏鳳凰曲別鶴離鸞夜夜心

去婦詞

李夢陽

正德元年戶部尙書韓文暨內閣
師保等相繼去位李子作此詞

孔雀南飛雁北翔含顰攬涕下君堂繡幙空留並菡萏
羅袂尙帶雙鴛鴦菡萏鴛鴦誰不羨人生一別何由見

小學弦歌

卷四教夫婦之倫

五

只解黃金頃刻成那知碧海須臾變賤妾甘爲覆地水
郎君忍作離弦箭憶昔嫁時花滿天賤妾郎君俱少年
瑤臺築就猶嫌惡金屋裝成不論錢重樓複道天中起
結綺臨春照春水宛轉流蘇夜月前淒迷寶瑟煙花裏
夜月煙花不相待安得朱顏常不改若使相逢無別離
肯放馳波到東海薄命難教娣姒如衰年恨少姑嫜在
長安大道接燕川鄰里攜壺舊路邊妾悲妾怨憑誰省
君舞君歌空自憐郎君豈是會稽守賤妾寧同會稽婦
郎平幸愛千金軀但願新人故不如按何大復云詩本
性情其切而易見

者莫如夫婦之間是以三百篇首闕睚六義首乎風而漢魏作者義關君臣朋友辭必託諸夫婦以宣鬱而達情焉其旨遠矣此詩深婉得三百篇漢魏之遺視所云回頭語小姑莫嫁如兄夫者忠厚刻薄有天壤之別詩至此可
以怨矣

避火行

樂府之一

李東陽

宋伯姬魯宣公女也歸宋恭公十年而寡會火災左右請出避伯姬曰婦人之義保傅姆不俱宵不下堂遂焚而死春秋書宋災宋伯姬卒又書葬宋恭姬皆特筆也

夫人避火避火不可婦人不下堂下堂羞殺我夫人避火避火不可我身有傳還有姆傳姆不來心獨苦君不見宋姬一卒春秋悲文姜辱死南山詩

共姬死於火貞姜死於水兩人

小學歌

卷四教夫婦之倫

去

不謀而合並時千古

漸臺水

樂府之一

李東陽

楚昭王出遊留夫人於漸臺之上約召夫人必以符忽江水大至王遣使迎夫人忘持符夫人不行使者曰今水方大至還取符則恐後矣夫人曰與其棄約負義而生不若留而死及符至則夫人已死楚王號之曰貞姜

漸臺水深幾許使者來誰遣汝不見君王符空傳君王語漸臺水行宮不可度妾死猶首邱君王在何處平生委質身為君此時重信輕妾身君不還妾當死臺高

水瀾瀾

王凝妻

樂府之一

李東陽

五代時號州司馬參軍王凝卒於官妻李氏扶
觀歸過開封旅舍主人不許其宿李以日暮不
肯去主人牽其臂出李仰天慟曰此手可爲人
執耶不可以一手并汚吾身卽引斧自斷其臂
賜藥厚恤之

妾生愛身如愛玉玉可玷身不可辱生不逢魯男子彼
氓何知妾爲恥揮刀斷臂不自謀已看此臂爲妾讎不
憾妾身出無主但憾妾身爲婦女君不見中原將相誇
男兒朝梁暮周皆逆旅

劉平妻

樂府之一

李東陽

小學弦歌

卷四教夫婦之倫

七

三

明

元劉平與妻胡氏宿沙河旁有虎銜平去胡起
追及之持虎足顧車中兒取刀殺虎虎死平尋
以傷幸
詔旌之

誰謂虎力猛赤手亦可屠誰謂妾無身妾身雖在不如
夫妾身與夫爭虎口生同道路死川藪呼兒拔刀兒不
怖厲聲摧山虎爲沮攜夫夜歸車下宿蓐食趨程烹虎
肉夫身有子死不孤生當爲君西擊胡

寄外

黃安人

楊慎繼室

升庵修撰以諫大禮廷杖謫
成永昌黃安人寄之以此

雁飛曾不度衡湘錦字何由寄永昌三春花柳妾薄命

六詔風煙君斷腸。曰歸曰歸愁歲暮。其雨其雨怨朝陽。
相聞空有刀鐶約。何日金雞下夜郎。

血書詩

古烈女

武陵江岸有古墓相傳江漲浮女屍洞旋不去
面如生居民葬之一手猶握小卷開視有絹片

血書詩

一首

潔守深閨十九春。豈期竟作虜囚身。夫生未補君王事。
妾死寧忘夫婦倫。夜靜自甘沈弱質。月明那管弔亡人。
恩深父母終難慰。願作兒身來世親。

決絕詞

賈氏

潘耀卿妻

小學弦歌

卷四 教夫婦之倫

大

三
五
廿七

明

賈烈婦沅陵人諸生賈瀾女歸潘耀卿耀卿父
棠官南京偕往省之至湖口耀卿卒以救免抵
建康自刎而死

拋棄殘生思不禁。可憐死別倍傷心。雙魂杳杳今何處。
化作啼鴉返故林。

孫翊妻

邵寶

建安中丹陽都督鳩覽殺太守孫翊欲逼娶翊
妻徐氏徐給曰須晦日設祭除服乃可潛約舊
將孫高傳嬰等謀誅覽及設祭覽入
將拜二人突起殺覽遂取其首以祭

夫死矣。妾何敢生。夫讎為重。身為輕。賊尚生。妾何敢死。
軍中幸有報恩子。號召如風赴如水。斷賊頭。祭夫墓。白

日下高天何處黃泉路

寄衣詩

劉氏葉正甫妻

不隨織女渡銀河。每到秋來幾度歌。歲歲為君身上服。絲絲是妾手中梭。剪刀未動心先碎。針線纔逢淚已多。長短只因原式樣。不知肥瘦近如何。

征夫詞

劉績

征夫語征婦。死生不可知。欲慰泉下魂。但視檣中兒。

征婦詞

劉績

征婦語征夫。有身當殉國。君為塞下士。妾作山頭石。發

小學弦歌

卷四教夫婦之倫

充

三ノリ

兩

情止乎禮義三百篇之遺

送夫入覲

屈安人

韓邦靖妻

君往燕山去。留妾雒水旁。雒水向東流。妾魂隨飛揚。丈夫輕離別。所志在四方。努力事明主。肯為兒女傷。君有雙老親。垂白坐高堂。晨昏妾定省。喜懼君自量。珍重復珍重。丁寧須記將。既為遠別去。飲我手中觴。莫辭手中觴。為君整行裝。陽關歌欲斷。柳條絲更長。閩閩詩盡洗脂粉獨標高格既取風雅亦用垂教別於時下綺羅之習

哭夫

商景蘭

祁彪佳妻

祁忠敏公以巡撫殉
國難妻商氏哭以詩

公自垂千古吾猶戀一生君臣原大節兒女亦人情折
檻生前事遺碑死後名存亡雖異路貞白本相成

韓城行

本朝 吳 鎮

良人遠賈妾心哀秋月春花眼倦開忍死待郎三十載
歸鞍馱得小妻回

諷友

王孟端

新花枝勝舊花枝從此無心念別離可信秦淮今夜月

有人相對數歸期此二詩與宋人杜善甫所刺
正相對照皆人倫之薄也

小學弦歌

卷四教夫婦之倫

三 三九 兩

裁衣曲

毛先舒

裁征衣親手作君身長短何須度肥瘦定然不如昨新

衣爲君裁舊淚爲君落還將銅斗細熨灼莫使衣上沾

猩紅君見淚痕不肯著思路音節近接青
邱遠接文昌仲初

梧井篇

有序

施閏章

哀二烈婦也癸未寇陷登封諸生焦陽長妻楊

其弟之妻牛並投梧下井以死焦追悼有梧井

遺恨篇

青青井上梧湛湛井中水中有雙白璧並葬寒泉裏霜

枝老不枯巢鳥啼不已他日井梧枝會應作連理

王貞女詩

有序

毛奇齡

康熙中吳江王自瑤許字同里蘇生未歸生死
自瑤年十八截髮守節既而姑亦死服除請歸
蘇母不許自瑤曰死者吾夫也夫死而代夫事
翁則夫猶未死也不然吾夫在地下請歸之地
下已耳有何難焉母知志不可奪遂聽之丁巳
三月二十七日蘇迎婦如禮自瑤乃加髻與父
母別蘇遣小姑迎於門自瑤乞撤綵止樂始入
小學弦歌

卷四教夫婦之倫

三

三十一
丁巳
明

是日雨雪觀者皆泣下既升堂拜夫影哭畢其
翁感其義令不卽以婦禮見先垂涕西向拜四
自瑤亦垂涕北向答拜四然後成禮時自瑤年
二十有二吳中人多爲文嘉之子乃仿樂府辭
美之云爾

黃鳥交交鳴集彼東南枝私顧無匹雙誰爲好容儀有
女秉貞素家在吳江隈十三能織素十四學裁衣十五
弄文翰十六誦書詩十七備箱簾紅羅刺繡裳頭上芙
蓉髻耳後明月璫足下雙珠履行步爛生光將作合歡

橘上畫鴛與鴛明月有時翳芙蓉有時萎合歡終無期
鴛鴦空復爾阿女前致辭兒已得所親非謂得所親黃
泉願相存擣孟卻苦蓼從舊不從新冶金作華蓋到底
無翩翻駕我青牛車結我綠玉繩逝將爲彼婦入門事
尊章惟時母聞之相顧起徬徨本言相君子百年永無
疆何悟廩霜下拆此蘭蕙姿鴛鴦未成匹何敢言雄雌
芙蓉生兩岸那有並蒂時人生若朝露柯換葉復滋况
今隔年歲四載尙不足三載頗有餘舊火旣已改新穀
屢見抗其家且無姑老翁獨閒居阿女含涕答所以不
小學茲歌

卷四教夫婦之倫

三九六
二九七
明成

卽歸吉凶不同行今旣凶服除自可遠父兄少小通文
史兼復誦詩書詩書雖無此文史聊以爲爲夫入子舍
謂復理所宜寧有升筭女終老于中閨不然將從誰從
夫下泉臺母知女志決爲女理容妝便可擇良日車駕
來相迎車前百枝燈車後龍子旛小姑到門迎新婦入
華軒著我新嫁衣事事相週全頭上何所有鬢髻雙梁
釵足下何所有織履躡素絲腰間何所有栢復結兩頭
車左駕青鸞車右從文魚本謂坐華軒雙雙共翱翔何
意牽紅絲獨身充後房到門撤鼓樂行步將升堂是日

暮春天。百花園中開。浮雲障白日。寒風爲之吹。須臾霜雪下。牛馬皆凍斲。觀者皆有嘆。行者亦以哀。桃花冒霜雪。何得施臙脂。阿翁拜前庭。新婦拜前帷。中堂兩相拜。各自成禮儀。雖則成禮儀。浪浪淚雙垂。自古通婚姻。未有如此詞。此詞有時盡。此事無終衰。將詞記此事。當令後世知。古節古音通真孔雀東南飛神韻以有真氣貫注其中也

遂安毛貞女詩

祥符令會侯之女

王士禎

新安水清泚。水清石見底。黃河水瀾瀾。一石五斗泥。水清復水濁。女心空自知。三日爲君婦。未識君容儀。一月小學弦歌。卷四教夫婦之倫
侍君疾不聞。君履綦秋風響庭樹。夜夜哀羈雌。高樓切浮雲直下。忽若遺昭昭。白日光奄與黃泉。期手斲女貞木。絃以寡女絲。彈作處女吟。千載有餘悲。

劉貞婦詩

潘耒

貞婦黃氏閩人故太史文煥之女孫許聘淮陰劉氏子未婚夫亡請奔喪不得遂成服於室無何聞有他議自投於樓不死居五年不釋服曰不歸劉拜夫墓終不釋也舅姑乃迎以來謁墓慟哭哀感行路

牛女何迢迢。迢迢河漢隔。空名一以繫。萬古終不易。夙昔長深閨。習禮亦明詩。許身配君子。永願奉光儀。兔絲

託喬松自言上霄漢未見彩鸞飛乍聽冰絃斷絃斷續
無期悲來不自知君看卷施草未拔心先摧五載空房
中淚痕未曾洗空有墜樓心恨不階前死一死可從夫
他鄉有老姑姑今病在牀湯藥誰將扶生字劉家兒死
作劉家婦夫死不奉姑九原爲相負秦淮水東下爲儂
嗚咽流添淚向江水一夜渡邗溝阿姑聞婦來披衣俄
起坐恐令姑念兒含淚不敢墮入門拜姑嫜拜夫還出
門我夫今何在蕭蕭白楊原一拜心骨摧再拜肝腸絕
蒼天若憐儂厚地爲儂裂翦卻墳頭草教君識妾顏妾
小學弦歌

卷四教夫婦之倫

十四

二〇五
雨

顏不如此舊日如花妍昔妍今已槁棄置勿復道收淚
入寒閨養姑以終老

沈烈婦詩

潘耒

亦知伉儷恩相報豈必死堂上姑有兒閨中妾無子同
歸况復夫有言黃泉相見何必難寧爲華山畿邊連理
樹不作懷清臺上之孤鸞東流之水西流日人生去就
只旦夕一斛淚珠三寸絲百年志願從此畢君不見大
冠修劍空嗟峨臨事宛轉何其多

馮氏雙節詩

潘耒

峩峩括蒼山拔地高萬丈下有雙節亭孤標鬱相望雙
節問爲誰馮家婦與姑姑爲閨房秀少小嫻詩書燕婉
得良匹筆墨相歡娛黃鵠俄不雙辛勤將九雛碎首護
一棺不死神所扶才惟班左倫節則陶孟俱婦也同賢
淑遭命彌窮酷二十稱未亡藐孤裁出腹轉側亂離頻
漂搖風雨足半壁營兒樓十指供兒讀千鈞下臨淵居
然一髮續是姑復是婦大節通神明錫之白玉環懷中
出公卿綸章下九天兩世同被旌朝野誰不嘆竹帛長
光榮寄言單樓者努力千秋名節婦之孫姓字再
來官至刑部尚書

小學弦歌

卷四教夫婦之倫

三

九十八

范節母詩

潘耒

宛轉復宛轉女蘿附蒼松如何松枝枯蘿蔓愁霜風別
駕鳴酸嘶迴翔顧其子節婦貴立孤報夫豈必死出亦
復零丁入亦復零丁孤甥幸有舅寡妹幸有兄膠膠雞
晨鳴軋軋母夜織撥盡爐中灰作字教兒識辛勤三十
載兒身如舅長舅爲銀臺卿鄭山公兒作青衿郎宛轉復
宛轉清波濯素練他時泉下人一笑堪相見綽楔表雙
烏巍然節母坊寄言孀閨婦聽之慎勿忘

姚節母詩

潘耒

飛飛白頭烏啞啞樹上啼盈盈寒閨女嫁作良人妻結
縞使半載妊兒甫三月大鵬駕高帆倉皇告將別一別
經七霜兒身高於牀君歸抱兒笑妾涕沾羅裳歸來只
半載白日潛光彩一死誓從夫沈吟有孤在朝織一匹
練暮刺一幅繡枯木無冬春淚滴重泉透荏苒雙鬢華
兒大能克家孫枝兼秀發苦蒂垂甘瓜嫁時年十七終
年六十九單棲五十春苦節天所壽白堤虎阜下清川
帶迴塘行人爭借問綽楔誰家坊無云闔德微天高而
聽徹簪笄慎立身視此姚母節

小學弦歌

卷四教夫婦之倫

三

二〇九十八
昌

戚烈婦詩

潘耒

白田戚氏婦亡其姓嫁之夕未合昏夫溺死池
中婦悲慟留詩褥下亦自沈死洪武間事也崇
禎時交文肅過白田夢一女子自言我戚烈婦
也有碑埋故里幸爲我發之文肅爲出碑建祠
祠在城東北隅
卽戚氏故居也

戚家婦命何苦三星在戶未成婚夫死清池柰何許百
年之好無一夕牽牛織女空相匹此身有屬將安歸一
死從夫萬事畢遺詩決絕何酸辛英風凜凜垂千春發
夢名臣憑正氣殘碑出土崇祠新人言烈婦可不死能
死之人世有幾忠臣節婦根於心捐軀豈論恩淺深君

不見西臺哭金川。哭下士何曾食君祿。

李烈婦詩

潘耒

烈婦吳氏樂清貢士李應官之妻。戊子歲避亂平陽。過芙蓉江。被掠。欲自沈。恐不得脫。乃探簪珥散擲。兵爭攫取之。遂躍入水。死時。李生在玉甌峯。夢婦泣。語曰。君在此。吾已至。蕭家渡矣。急歸求屍。果得之。蕭家渡。逆流四十里。經十日。顏如生。

羅陽山頭虎怒。咆哮橫陽江邊。人遁逃。兵來截。江若風雨。殺人不殺紅顏女。李家新婦閨中英。求死不得機智生。亂擲釵鈿餌。貪卒躍入江。心葬香骨。江流赴海。如驚弦。風濤茫茫去無邊。如何烈婦屍。逆流上清川。夢告良人。蛟龍召霜雪。君不見清風嶺。曹娥渡。千秋下拜人。無數更添烈婦廟。蓉江夜潮頭。拍天怒。

小學歌

卷四 教夫婦之倫

三

二〇七十一世
二〇六十七世
小

明史樂府

尤侗

中山女

中山開國功第一。一兒出師。一從賊。增壽迎降。遭手誅。輝祖不屈。甘囚拘。魏國定國。兩鐵券。忠臣佞臣。誰能辨。姊為后。妹為妃。獨有妙錦。焚嫁衣。至尊委禽。妾弗許。長信宮中來笑語。豈薄皇后不肯為。自稱徐達第三女。

徐妙錦仁孝皇后妹次姊代王妃妙錦矢志不嫁后
薨成祖聘之不從宣德中張太后召入宮自稱徐達
第三女宮人竊語此
薄皇后不肯爲者

婁妃怨

紂聽婦言亡君違婦言死欲洗妾身清視此彭蠡水妾
身羞作叛臣妻忍脫簪環供浣衣漢皇重色不擇耦入
宮恐爲巢刺妃君不見花藥夫人小周后古來亡國無
烈婦

宸濠反妃泣諫不從投水死及濠在檻車泣謂人曰
昔紂聽婦言而亡天下今我不聽婦言而亡家國

鐵夫人

小學弦歌

卷四教夫婦之倫

三

羽衣

小杜

武皇南巡臣拜杖良人繫獄妾心喪妾家兒女本無知
焚香籲天誠有之邏騎擎來坐呪詛夫婦牽連入圍土
妾今有身不任刑惟拚一死謝夫君情辭慷慨相決絕
法吏滿堂誰忍聞一旦天恩並放歸都人夾道盡沾衣
還將前日香重熱長祝君王罷六飛

林大輅諫南巡廷杖下獄妻黃氏留邸舍朝夕籲天
祈免緹騎偵得之以呪詛告上震怒并逮入獄黃廉
慨對曰妾夫被繫妾焚香告天幾幸皇輿不出忠良
重獲罪戾妾惟有一死以謝皇上并謝吾夫妾有
身分不受刑請速賜以死主者口噤而罷居五月得
釋夫婦借出獄都人夾道聚
觀歎息泣下稱爲鐵夫人

臣夫表

臣夫在獄十六年家有老親八十九臣妻置妾未相見
旅舍淒涼誓同守欲歸則棄夫欲留則違舅棄夫斷饘
粥違舅闕箕帚臣願代繫獄放夫暫回首生當還囹圄
死得瘞隴畝此疏不忍讀讀之血三斗彌留始解網覆
盆既已久嗚呼夫忠臣妻烈婦可與蘇張三不朽

沈東以劾嵩繫獄十六年妻張氏上疏求代法司爲
之請不聽明年始放出夏言之諫妻蘇氏請以身代
上曰蘇氏亦流人安得代耶楊繼盛妻張氏
上疏乞斬臣首以代夫命爲嵩所抑不得達

安亭女

小學弦歌

卷四教夫婦之倫

三

〇二六十一
五

安亭女遭惡姑搜艾覈定婁豬醉乃翁役吾夫闖吾室
牽我襦莫織悅寧折梳奮舉杵擊狂且狂且羞惡姑怒
斧且錐斃牀下縱火焚屍骨不化淫人伏法天誅之一

鄉祀女烈婦祠中炎炎聞鼓樂羣鳥飛來叫姑惡

張烈女嫁安亭汪客子客嗜酒嫗與人私諸惡少聚
飲室中呼女出拜不從惡少胡岩與嫗謀遣其子入
縣書獄令女織悅遺所私奴女曰吾豈爲奴織悅耶
岩等登樓縱酒呼女飲不應岩從後攫其梳女詈且
泣還之女折梳擲地岩入犯女女大呼殺人以杵擊
岩自投於地竟夜哭不止岩與嫗恐事洩繫之牀足
斧雖交下髮焉舉其屍屍重不可舉縱火焚室爲鄰
里所告伏法里有烈婦祠三日前聞祠中鼓樂聲火
炎炎從柱中出
鄉人遂祠烈女

棄婦祠

趙執信

兩姓無端合亦復無故分昔時鴛鴦翼今日東西雲浮
雲本隨風妾心自不同君心劇無定見棄如枯蓬出門
拜姑嫜十步一迴顧心傷雙履跡一一來時路留妾明
月珠新人爲耳璫不恨奪妍寵猶得依君旁寶鏡守故
奩上有君家塵持將不忍拂舊意託相親此生一以畢
中懷何日宣願得金光草與君駐長年

溫厚忠愛與
崆峒作並傳

貞烈卜夫人墓

許道基

小學弦歌

明陸川縣知縣瓊山張子翼入闈襄李猗賊猝
至夫人卜氏集吏民登陴守禦城陷以罵賊墜
樓死邑人廟祀之
墓在縣境萬丈坡

三

三
正

萬丈坡高去天尺一丈寒光出坡脊訴天天泣回悲風
散作霞丹成血碧吁嗟妻道臣道同可憐妻烈死臣忠
三年寒宦勞于役一日孤城代有終何處妖氛笑封豕
烽入重閨拔劍起登陣灑淚集遺民墜閣留骸待夫子
瓊海茫茫渺故園聊憑螺髻駐魚軒靈旗莫颺千秋恨
星落軍前五丈原

柏舟行

爲區貞婦
陳氏作

陳恭尹

陳氏女許字區文學寶宸未婚而寶
宸卒女矢靡他之節撫嗣子見孫焉

柏舟兩髦猶可儀。陶嬰黃鵠曾雙飛。夫人爲婦已頭白。
眼中未識君容輝。自言生長大夫女。經史胸襟炳如炬。
父母有命兒有心。縱不言承己心許。心期頤頤同一林。
天教殊絕成長參。人生意氣貴一諾。妾寧負天不負心。
妾父有男妾有姊。君家大夫君一子。有妻於俗得立孤。
無妻爲殤終已矣。素車白馬入君門。由來爲義非爲恩。
身安分命甘若薺。半生衣枕無啼痕。當年十五今五十。
嗣子成立皆有孫。嗚呼男兒陷胸絕脰死。容易就義從。
容人所畏青閨冉冉盛年徂。誰能獨宿終不渝。千金之
小學弦歌 卷四教夫婦之倫 三 二 十 五
劍贈墓樹至今談者猶區區。何況贈以千金軀。乃知未
仕報韓者古今所以爲丈夫。末段以議論行之是史家論贊體

金環曲

洪昇

王家有女字秀文。少小綽約蘭蕙芬。項郎名族學詩禮。
金環爲聘結婚姻。十餘年來人事變。富兒那不歸貧賤。
一朝別字豪貴家。三日悲啼淚如霰。手摘金環自吞食。
將死未死救不得。柔腸九曲斷還續。臥地祇存微氣息。
幸遇國工賜靈藥。吐出金環定魂魄。至性由來動彼蒼。
一夜銀河駕烏鵲。嗟哉此女貞且賢。項郎對之悲復憐。

朝來笑倚鏡臺立，代繫金環雲鬢邊。

梁溪潘貞女詩

陸隴其

夙昔聞梁溪，蔚爲賢聖鄉。赫赫高與顧，憤立大防掃。
除末俗，態奕世有輝光。至今兒女子，亦知重綱常。制行
有偏全，此道猶未亡。卓哉潘貞女，志操嚴秋霜。未識夫
壻面，永矢不敢忘。於禮似爲過，摯性逾共姜。我從貞女
弟，得一聞其詳。示我奔喪記，滿紙覺芬芳。人生苟努力，
何事不可強。劇秦美新者，是誠何心腸。

儒者之言
本末具見

青楓嶺弔王貞婦

孫琮

小學弦歌

卷四 教夫婦之倫

三

三〇六十三

五

我讀南渡史，扼腕詳與末。帝舶去厓山，浙閩俱覆沒。元
兵入台州，沿途肆殺奪。金帛無留遺，子女咸搜括。傷哉
王貞婦，隨眾不能脫。捨地呼蒼天，夫死妾敢活。主將豔
色殊，防守嚴。邏卒遠攜來，岷縣青楓嶺。道歇視者意，少
弛潛步出林窟。四顧盡高山，旁有壁如碣。撫壁一長號，
玉指口忽齧。以指代寸管，淋漓血不竭。先留己姓名，次
紀死月日書畢，即投崖身碎。魂怡悅，至今陰雨天宇蹟。
猶突兀。我懷文文山，斯時亦被執。九死心靡他，凜然同
一轍。千秋柴市歌，萬世楓嶺血。

末以文山作
觀倍見精采

沈貞女

翁燧

沈琴貞西泠沈昂女事後母以孝聞年十五字姚江陳琪越四年琪死貞女默不言潛易縞衣久之媵妯屺屢來貞女聞之憤鬱成疾卒時年二十有一

盈盈西泠水遙接華山畿松柏枝相當好鳥比翼飛靜女何瀏瀏蘭房長獨守荇菜參差流許作姚江婦江水日以遠君子逝不返孤鴻中夜鳴靜女中腸斷且亦以悲思夕亦以悲思願作雙鴛鴦同穴永不離

弔周烈婦

浙江象山人

萬經

天地有正氣綱常藉人扶當其志所激弱女勝丈夫四小學弦歌

卷四教夫婦之倫

三三〇四年一春

明濱巨海潢池肆樵芻象呂當厥衝殘賊甚剝膚婦也冰霜姿詩禮為楷模倉卒走避賊從夫出闔閭弱質既窘步况負六月雛夫婦不相保跟踉各奔迋事勢在危迫死生決須臾舉身赴清流不復憐呱呱一死祇自全含笑歸冥途荒荒白日黯慘慘寒雲鋪數日具含斂顏色腴不枯健兒盡膜拜聞者皆嘆吁於乎烈婦心豈為聲名圖巾幗留正氣身死名不徂會當紀彤管國史他年書

蔣貞女詩

金清

蔣貞女仁和人幼字丁璞山璞山十
九而殀貞女哲不他適依父兄以老

足不踰三徑心難負一人暫依兄嫂住深念舅姑貧絕
意除環瑱關情到米薪有時還翦燭竟夕話艱辛

烈女操

傅文光

烈女義烏樓氏許字同邑朱氏子行結構而朱
氏子遠出踰年卒於外女得耗誓以必死已而
朱氏又報耗不的且待之一旦聞有齎其夫柩
歸者女卽以是夕沈於園池父母晨起見池上
有夫之年月帖腰以絕命詞八章衣袞上下皆
固紉不解臥房笥篋封誌繡履若干具朱氏聞
之上其事於邑宰宰
臨其墓請表其門

昂昂太山松附之以免絲兔絲日夜長不藉春風吹少
小學弦歌

卷四 教夫婦之倫

二十四 廿八 春

小阿母側插花紅襦裳三五及二八自繡雙鴛鴦男兒

志四方妾豈及汝請身是小兒女焉預君出入天風何

飄飄斷蓬何飛飛一朝凶問至謂是長不歸摧頽太山

松慘惻兔絲意根斷酷其心是我死期至家人苦不知

謂是由訛傳一棺雙素旌忽已返鄉園激激園中池翻

翻身上衣紉衣下連裳自沈不復疑池中亦有魚飢能

噉吾骨噉骨遂到心飲我滿腔血尙有繡履綦女男各

雙雙笥篋亦具有珮環聲鏘鏘將以奉公姑陸離互文

章死別可奈何此恨天地長匆匆縣官來薦之以曾泉

泉寒人不熱。旌汝坊巍然。女生本知書。女死亦有詩。誰將懷沙賦。表此烈女祠。

弔沈烈婦

袁英

烈婦陳氏沈薦。天文學妻。乙酉十月被俘。至搖車嶺。投水。其僕乞代。亦被害。

白雁悲鳴霜氣冷。松風淒斷搖車嶺。紅顏慷慨赴清波。義僕哀詞長蹕請。願貸主死不惜身。主死亦死血染塵。東山明月塔山雨。夜夜唬鵲愁煞人。

詠郭烈婦

周曾發

烈烈女中士。中情洵自芳。容顏據春華。志節凌秋霜。婉小學弦歌。

卷四 教夫婦之倫

三
二十七

春

變事君子淑。慎奉姑。婢自謂固膠漆。相好無相忘。一旦妖氛起。鸞鏡忽掩。見父知何時。辭夫良足傷。淵泉一以沈。河漢永相望。貞心照止水。千載揚幽光。

王節婦詩

金壇人

沈德潛

譴譎出出廟。有聲又聞。毫社妖烏鳴。宋災伯姬坐。焚死待姆不至。捐其生。王家婦操。勵冰檠。鞠子空閨。戒姑息。其姜矢志。念我儀伯姬。守禮身不惜。火龍火馬興。妖灾一朝。母子成飛灰。寸心耿耿。不磨滅。金石可貫雲。爲開至今。疑聞鬼神泣。行人過此心悲哀。其姬之葬。昭特筆。

千載金壇共高節

江烈婦黃氏詩

有序

羅登選

黃氏長沙諸生賢道女少聰慧能詩年十五歸
平江江慶璜慶璜以苦學致疾卒黃絕粒四日
誓必死其姑欲以不食與同死乃強食越五年
爲乾隆甲申九月十六日先夕黃感夫入夢至
是攜婢哭祭夫墓畢給婢之旁舍乞壺漿以刀
自斷其喉而死婢至猶僵立不仆及合葬血痕
直透夫棺家人發其篋得遺屬及絕命詩二首
余存吾太史爲作傳京師士大夫弔以詩者凡

數十家

小學弦歌

卷四 教夫婦之倫

三

二十九
九十九
春

黃家有嬌女弱質垂耳瑤儀容雖少小舉止常大方七
歲觀書史甲乙能丹青黃金經與女誡一目輒不忘父母
謂生女不在習詞章所議惟酒食所事惟蠶桑十三學
鍼紉十五學縫裳裳成羅錦繡五色間璋璜二月日始
且遲遲春晷長柴門聞鵲噪有客來中堂懷袖置有書
泥金字輝煌書中云何事日吉時復良聞君有淑女匹
配求相當梧桐生天岳有鳳求其凰系本出江合年少

坦東牀卽日從媒灼六禮次第將綵結新筍輿夾路吹
笙簧停車俟庭後堂上拜姑嫜匳有菱花鏡瓶有蘇合
香幃有百子帳筥有玳瑁箱席有織華莞被有繡鴛鴦
頭上珊瑚釵環佩復鏘鏘雙屋漾華燭日夕歸蘭房相
誓爲夫婦白首與偕臧日出捧敦卮日入不敢遑刀尺
聲鏗然明星上東方良人事文學勵志翰墨場風騷擬
屈宋作賦追班揚箋傳窮蟲魚作書必鍾王仰視鴻鵠
飛天衢參翱翔恥在蓬蒿閒志氣何激昂胡天不我弔
一病遂成疴一日復一日蚤夜心憂傷請禱無桑田求

小學弦歌

卷四教夫婦之倫

三

二〇廿七

五

醫無扁倉雞斯守屬續田田如壞牆聲不絕哭泣口不
入水漿衰麻送出門荒郊出渺茫生時同華屋死別委
山岡白楊何黯黯松楸何蒼蒼九原知何路黃泉無津
梁今年秋九月天氣將微霜母也旣不謀感夢摧肝腸
懷刃卽孤往攜婢遵微行搶地盡一哭刎血濺墳旁是
時觀者眾莫不淚汪洋烏爲發哀鳴風爲生淒涼水爲
咽不流山爲黯無光千載有遐軌二妃沈瀟湘君看斑
竹枝血淚禁雪霜

仿焦仲卿妻詩體古
節古音不忍卒讀

覺羅烈婦東鄂氏詩

賽爾赫

死生皆各得義貴行其難高名亦做屣但存心所安獸
有蚤與駞鳥有鳳與鸞生既得同室死亦當同棺百年
只須與永追泉下歡檀香綠根枯梅香綠天寒煌煌玉
牒光璆琳與琅玕

焚樓行

蔣士銓

羅經甫名仁美歛人居江都繼娶龍游李前妻遺子六
齡名阿都十三齡女名宦姑繼妻皆撫之上以事老姑
嗚呼李夫人生女才一春牙牙索乳哺復有八月身順
治改元歲在酉揚州孤軍不能守四月圍城旦夕破羅
小學弦歌

卷四教夫婦之倫

三五
一七十一
五

家繼妻樓下坐命婢菊花積薪繞高樓上堂拜姑還自
賀喚夫來聽妾言我家婦女多城破難盡全君力但可
負母手攜子其餘未可累累牽妣劉氏女宦姑妾梅與
李顏如花兵來豈堪爲兵拏若輩云何我志定僉曰惟
夫人是聽明日城崩西北隅夫人一呼眾聲應夫猶豫
脚趨起子阿都牽娘裾娘曰事急矣擲子投其夫喚婢
菊花急舉火婢身入樓足在樞嚮嚮出出半天赤經甫
負母攜子出樓中蹴踏如鼓聲想見嬋娟焦爛急經甫
出門去遇卒刃斫之二指墮地母脫離阿都驚逸誰得

知此時性命在呼吸羅家狗來齧卒衣繞卒人立噉卒
面卒與狗鬪主人竄母坐下雷塘阿都侍母旁狗竟經
甫牽衣裳導之見母兒心傷明日還家撥餘燼十三人
骨相偎引樓前一足乃焚餘菊花左股看奚忍吁嗟乎
西華門上埋屍處卻是南唐宮主墓此時梅花嶺上葬
衣冠烈婦忠臣相指顧君不見廣儲門內樊園左中有
宋姬堂下火青天白日閃靈旗火裏蓮開十三朵
此種鬱變化以班馬之才行杜韓之法皆至性奇氣之所發據

周烈婦詩

爲周觀察克開作

蔣士銓

小學弦歌

卷四教夫婦之倫

堯

二五九

玉

長沙有周氏儒素稱清門明經耦賢妻系出扶風昆十
三新嫁娘三日服練裙習苦盡婦職仁孝惠且勤如是
四十年言行固不孰崇禎癸未歲流寇揚楚氛夫人告
夫子避亂有後先老姑九十餘牽率難共全君速將母
去掩迹桃花源妾自守門闕庶以簡鎮繁長子曰繼聖
角巾何翩翩夙抱文武畧團練張一軍田橫五百士各
各勇絕倫待變不及戰城上降旗翻袁氏固讎家迎賊
肆反脣嘍賊招周郎投官散其屯夫人呼兒來急脫兜
鍔奔勿爲賊所污上報養士恩兒戀母依依夫人挾背

暝汝留當作賊草閒難苟存拔劍欲自剄兒竄聲淚吞
袁乃導賊來攻殲三百人殺氣蔽街衢覆巢一炬焚遂
縛夫人去及媳吳項陳可憐四姬姜桎梏刀鋸閒繼聖
跳賊若哭跪阿母前母叱汝何來死所吾已欣賊渠恣
脅迫汝降全母身夫人顧三婦汝輩何所云僉曰借死
耳交口罵益振賊怒駢斬之翼母兒臂伸斷腕仆繼聖
母血飛仙雲仲冬廿五日慘動河山昏烈聲滿六合后
土皇天聞母年五十八藁葬土門山繼聖叩幕府結客
誅爾袁手斫讎人頭列祭同雞豚流光母一笑再拜雲
小學弦歌

卷四教夫婦之倫

早

二〇九十九

正

中君烈母生孝子不仕焉用文貫肘截竹筍嵌筆書頰
冤哀哉七哀詩錄紀名潛然與古遺民作血跡連嗟痕
堂堂觀察公是爲母元孫捧狀示老史乞爲傳先芬臣
職任紀載敢不書其真觀察名克開忠孝見本原他日
列侍從奏請 褒封綸庶補亂世缺 國史昭貞魂

南城邱烈婦

蔣士銓

玄妙觀中烈婦并千尺寒冰凍修綆白髮道人不敢汲
銀牀月照夫人影當時避賊從眾耳眾志洵洵一心靜
夫人視賊若狗彘給之殛之暇以整賊能出我比珊瑚

我能沈賊如龜鼉。皇天后土鑑此情。羣婦目睹歎且驚。
那知雙眸炯炯光。透覆牆上白日照之如火明。別賊掩
至氏仍投井爲烈婦。同時生者皆腐朽。富貴壽考之婦
豈無有。烈婦死時年廿九。魯井雖枯靈不滅。鑿井銘之
乏齋曰。

國初休甯汪秋榮。偕兄子爲龍從定南王孔有德。
平粵西。猺獞同死於戰。其妻戴氏吳氏撫孤守節。

詩以表之。

蔣士銓

二士從軍樂。孤城壘卵危。諸蠻摩壘日。兩婦閉樓時。麗

小學弦歌

卷四 教夫婦之倫

聖

三才

五

夢飛邊徼寒星落。大旗雙懸望夫淚。何處覓遺屍。

招魂不可葬。浩氣壓沙場。守土存官職。酬恩享國殤。冥
誅粵西賊。生揖定南王。勝作迂儒死。雙忠骨並香。

勢面成初志。畱身育兩兒。功成將門子。涕灑竹林枝。閒
氣精魂聚。褒忠祀典宜。雙溪嗚咽水。常爲四人悲。

韓烈婦詩

蔣士銓

韓夢齡。妾李斌女。于歸十八。死廿五。妾有兒女。隨夫亡。
淒風苦雨吹。妾房七年井。曰妾盡瘁。不敢怨天。惟自傷。
妾無所望。生如此。春聲纔罷。砧聲止。碓屋梁低。跪自經。

生不能伸當屈死。離水不流離人哀。孤山再築清陵臺。
香風忽引孤鸞駕。去伴韓家二秀才。夢麟行二

天長江烈女歌

蔣士銓

泗水鳴咽流中有烈女魂。死立泗水中。白蓮香氤氳烈。
女父江錫純。烈女夫羅維藩。夫遽天。女未婚。雍正改元。
歲天長萬戶。同見聞。父家夫家無可恃。女身守貞不如。
死旌表愆。期烈女喜。冉冉清芬在。閩史天長之人不敢。
忘。乾隆癸巳。請建烈女坊。嗚呼士未食祿。可從賊引。經。
翻笑江家息。

小學弦歌

卷四 敬夫婦之倫

聖

三〇廿七
五
九七十三
昌

山陰范烈婦

蔣士銓

噫。金如腊。身不死。死何能明。妾志門前凍碧寒。且深。
抱石自學曹娥沈。重門曉開盡室駭。拾髻浴流見衣帶。
驚波雖逝性不移。鬼神侍立姑猶在。遺墨脂匳傳七字。
一一明珠照天地。浩氣千尋化閩風。苦心一點涵金珥。
死能廟食生苦貧。讀書立志如成人。小劫消除十九載。
靈旗往復空江濱。作記慙無南董手。鴛鴦冢上貞松覆。
山陰重立蔡邕碑。范氏七姑俞炳婦。

黃烈婦

蔣士銓

死爲黃氏婦。生作喬公女。妾名鍾齡。卽熙之二十而嫁。
兩月寡身。入夫棺。人弗許。人弗許。妾心悲死。則同穴。生
何爲妾。左右誰伺守。我不死矣。可出走。人心安。妾豈忘
問。寢侍膳。皆如常。妾幼讀詩書。胸有經傳。香昔慕曹娥。
殉親於江。慕宋伯姬。蹈火不下堂。妾爲處子。屢瀕於死。
天畱妾身。今復何俟。父官河東。母歸淮南。舟覆惠濟。盡
室風潭。母弟未出。妾先出。骨肉其命死。亦甘。妾豈畏蛟
龍。再躍驚濤中。手攬兩衣。裙餘生。幸相從。父官河南。河
決楊橋。危城剩三版。眾命如萍飄。妾衣已密紉。得正焉。

小學菀歌

卷四 教夫婦之倫

聖

三十九

明

可逃再爲河伯遺。妾命多堅牢。堅牢亦何益。妾死終莫
辭。未知有生樂。不如下從曹娥。宋伯姬。開我百福。奩獻
我八寶。簪請翁營壽。藏下慰熙之心。熙之苦無嗣。當立
小叔子。叔長宜早婚。庶得抱孫喜。舅姑泣。兄弟來。父官
黔中。傷我懷。此非承訣詞。兄弟勿相猜。空房計時日。夫
亡閱三旬。喚婢具蘭湯。浴我松竹身。浴罷向空拜。自挂
何從容。五城十二樓。笑躡雙鸞蹤。乾隆年歲壬午六月
十七天大暑。有司請旌。朝命許吳淞。江澈底清。上海
烈婦孝且貞。詩成拂拂清風生。

李貞女

蔣士鈿

李止玉金谿人。簪著簪服練裙。誰家女。縣令孫誰家婦。
周氏子訂姻盟。笄而字。夫廷燄丙子亡。女未嫁。神暗傷。
明年聞祖姑卒。姑早殞。舅久出女。欲往經紀之室。無人。
女何歸。閨八載志弗移。閉深閨。誰得窺。上日月。下冰雪。
女中央。共光潔。歲癸未。族人議遣素車迎女。至成婦禮。
終厥志。見於廟。祖宗涕嫁未嫁。無同異。廷燄居新橋。埃。
止玉居珊瑚里。水粼粼。燄不明。珂珊瑚。玉有聲。女未亡。
心永貞。我作詩。清風生。

小學彙歌

卷四 教夫婦之倫

署

二〇七十三 明社

崑山夏貞婦劉氏詩

蔣士鈿

十日新嫁娘。不識君洞房。入門知夫病。上堂痛夫亡。花
攢金縷衣。未嘗挂君桁。翠裁合歡被。未嘗展君牀。依稀
識夫面。星漢仍相望。舅姑慘不歡。三日進羹湯。微風吹
藥煙。散爲深院香。豈知其命鳥。艸艸成孤凰。妾身已分
明。暗鳴拜姑章。羞言入郎棺。涕淚洗紅妝。姑章視新人。
欲語聲已吞。見亡婦。勿哀幸。婦猶未婚。新婦前致詞。斯
言勿復云。請畱未亡身。以附死者魂。父母唁女來。嘈雜
語無倫。自怨嫁女早。斷送蘭荳春。恐女榮華凋。勸女返。

家門女聞涕滂沱親意忒乖訛兒爲夏氏婦烏飛誰得
羅文采雙鴛鴦世閒豈不多芳草名獨活賦命如天何
幼誦柏舟詩之死矢靡他郎命太湖洋妾身崑山壁萍
無久生枝璧有不瑕質郎名夏之日夏郎名之日朝曦落何
疾妾心冬之夜寒月光自白髮雖異夫室死可同夫穴
請翁寫幽蘭用以勵金石及今十七載空樓守岑寂婦
翁蘭巢翁述之輒改容憫婦抱幽光何以明其衷我與
蘭巢友作詩豈敢後嗟哉容容者獲福亦云厚愚夫愚
婦儔偕老常白首生同鹿豕羣死共草木朽肯將列女
小學菴歌

卷四教夫婦之倫

星

二五十七

明世

傳易彼庸人耦濡我珊瑚筆紀此松筠守紀婦守貞歲
行年始十九紀其姓曰劉紀其名曰琇畱獻採風人汗
青傳永久

石門蔡貞女詩

蔣士銓

同郎一月生後郎三歲死郎死戊寅妾辛巳妾初心豈
如此父母之言妾之志郎死戊寅妾生亦戊申妾心隨
郎死妾命且復存郎訃來投筓嘔奔喪未能噴血斗誰
畱兒父與母誰念兒姑與舅呻吟牀蓐間姑來執兒手
姑言望兒痊姑意誠可憐願將依戀心繫姑衣帶聞姑

云兒勿悲深感兒志堅遂汝同穴心叩頭謝姑言妾命短長術士焉得知妾病淺深庸醫何能爲郎葬有日矣妾死其如歸絕粒目乃瞑四月四日時皇天后土色黯慘千人萬人涕漣沔河城里在石門居者誰蔡與田郎名何田兩元貞女誰蔡氏媛朱陳村鴛鴦墳我銘之激勸存

鮑節母詩

蔣士銓

鮑文淵歙縣民繼妻吳吳郡人廿二嫁廿九寡六十請旌朝命下迴念生平淚盈把幼失母孝於翁事舅姑小學並歌

卷四教夫婦之倫

嬰

二の六

社

宜室家閔損王祥不飢不寒不知繼母承母歡兒衣兒食母艱難兒讀書母灌蔬兒焚膏母辟纒十指之血縷縷積夫柩得返孤不孤先贖百畝田後表九世墓夫伯父母棺已頽妾在忍令棺暴露葬之先壟傍尊孀九原骨聚松楸長賢哉節母生何鄉嘉定之鎮名南翔

沈節母詩

蔣士銓

生不見親嫁不見姑新婦二十而有夫夫亡有父翁死無孫新婦弔影何以存夫有諸父老不仕養此節婦勞勞身傷哉病叟奄忽死單門只有四齡子千鈞一髮賴

有此節婦撫之延厥祀嗚呼天地豈不仁節婦難受恩
牆壁豈不固倚之傾且仆五十二年攢刃心淚比西江
潘復深笙鶴來迎婦一笑小叔冠矣家能任君不見三
吳廉使胡季堂泣請封嫂言皇皇州民有此孝節婦
廉使採風當入奏噫噓嘻沈素存妻陸氏貞何異光山
甘淑人

光山胡季堂幼失怙恃鞠於嫂氏及官臬司疏請以封典賜其嫂

張節母詩

為鉛山張湖妻黃氏作

蔣士銓

生於黃適於張夫未冠游上庠年廿七夫病疴妻乞身
代夫竟亡投纆入井不可得引頷觸地生何望撫孤難
小學弦歌

卷四教夫婦之倫

望

二五七
二五八
二五九
三五

死節易任厥難妾無嗣小姑有女叔有兒妾撫育之婚
嫁之孤兒漸長老姑死寡婦獨存復何恃兒娶婦婦生
孫孫歿婦歿兒亦淪母遭此厄可以死天殛神罰憑誰
論母不死泣於天妾志堅天無權妾夫何罪至於此宗
人有子卽夫子繼我子繼我孫枯荻再稊續本根啞啞
庭中烏頭白猶將雛雛今返哺烏已老七十之年心力
槁老婦何須乞壽考張郎有後餘生了吁嗟乎鄉人自
請朝廷旌節母焉知千古名

展村哀

為石城巡檢山陰沈國泰母陳氏作

蔣士銓

子六齡。妾三旬。妾在浙。夫官秦。千山萬山隔。南北事姑
育子憑一身。暮出汲。朝采薪。寒雁向北飛。不知妾苦辛。
日復一日年。復一年。子年已二十。姑髮無由元。賣鈿爲
兒具。裝去兒去尋。爺甘涼。邊邊月。照汝千山萬山中。休
思孀在浙。江東見爺勸爺歸。好官不救窮。朝望夫歸暮
望子還。子歸衰絰夫在棺。妾之所望竟如此。鄰里感嘆
心悲酸。姑病此時命如絲。忍淚戒兒勿復悲。登山淚洗
面入門笑。開眉哭未葬。夫姑不知佑。姑壽考惟賴皇天
慈。奈何姑死。不期頤母之所歷。艱難况瘁已如斯。夫官
小學弦歌

卷四 敬夫婦之倫

吳

三十八

玉

不食涼州米。子官來飲西江水。入遵母訓出捕盜事親。
未竟傷親死。念母平生淚霑臆。馳贈焚黃辰村北。莫
謂巡檢卑微秩。守疆除賊有專職。惟願江西石城捉殺
司萬口。傳呼桑殿直。

吳節婦詩

袁 枚

郭氏女。吳門妻。撫孤中夜聞烏啼。談何容易孤成立。東
風又折瓊瑤枝。解一上有老姑下有孀婦。如影隨形。莞莞
孤露。忽然祝融災。囍囍出出走無路。解二孀婦聳肩負阿
姑。阿姑頽邁驚且呼。肩重如山蹠躓趨。解三炙及額。燒及

裳知有姑痛已忘姑雖免死身亦爛聲音啞啞若吞炭

四解婦乃披髮涕泣再拜北斗旁願活我姑賜我方果然

姑夢若有神焉吹以清風飲以甘泉一朝病已壽考遐

年五解而今姑婦都已令終長孫入泮家風隆隆似此姬

姜我聞亦寡敬作歌詩俟采風者六解凡生死危迫

氏負姑出於烈焰之中稍一畏憚其姑休矣觀其

冒死救出然後知不敢救者不啻自戕其姑也

汪進士輝祖雙節母詩

黃景仁

五絃不同音肅殺王商羽一彈傷我心傾聽淚如雨問

其何能為是音為其兩絃同一心量看離鷺莫別鵲飛

小學弦歌

卷四敬夫婦之倫

吳

三九七

山社

飛忽化雙兔禽禽日銜南山石深深海水填不得石

兮不爛海不枯那不長出紅珊瑚貢之玉堂天下無

焦烈婦行

黃景仁

雄雞齊喚霜滿天看郎刀裹肩上肩里胥促發似豺虎

語聲未畢行塵前斃斃為君守鄉里妾身雖生不如死

牀頭有兒呱呱聲此時欲死還宜生翠釧羅襦一時卸

轉託鄰翁向街賣郎行慎勿憂家中妾身可碎妾不嫁

生當努力青海頭死當瞑目黃泉下等閒一度十九秋

兒成學賈事遠遊妾存已似枝上露郎在亦白天邊頭

五更城頭吹觱篥，黑雲如輪月如漆。熒熒一點青釘寒，蟋蟀在戶鬼在室。忽然四面來血腥，舉頭瞥見神魂驚。一人手提髑髏立，遍體血汗難分明。汝近前來妾不懼，果是郎歸定何據。一風暗來飄血衣，去日曾穿此衣去。郎歸妾已知，但怪來何遲。牀頭一燈滅，梁上長繩垂。昔聞瀚海風沙一萬里，郎兮幾時飛度此。妾死尚欲隨郎行，看郎白骨沙場裏。玩詩意蓋夫遠戍十七年死於戰陣感夢見形其妻知夫已死遂自殉也

棟鄂烈婦輓詩

有序

黃景仁

小學豉歌

卷四教夫婦之倫

手

三十九

杜

大學士舒赫得第六子婦夫死自經以殉

黃閣嗟峨倚玉京，舞鸞中道阻哀鳴。九泉誓共鄰生穴，一慟眞崩杞婦城。天子動容旌赤管，相公收淚慰蒼生。冰霜那得心如許，曾向穹廬萬里行。

青羅帶子角雙垂，錯認人間續命絲。拋向空梁愁玳瑁，殉歸香土化臙脂。可知就義從容日，卽是同心黽勉時。身後不須封石窳，西山高並冢纍纍。此卽前賽曉亭所詠之覺羅烈婦東

鄂氏也

烈女篇 有序

錢大昕

美長沙周繼聖母馬氏也元孫克開官九江知府述其事屬紀以詩

我哀五尺刀出自梁州鐵不斷凶人頭卻染烈女血借問烈女誰云是長沙周馬氏之淑媛德行功容修亂離丁明季盜起西南陬郡城夜失守殺人高於邱或言周家兒智勇百夫特偽檄忽及門逼迫令就職母聞呼兒前亟走勿徘徊汝身列庠序大義不可乖賊怒攻其家質母以招子纍纍繫長繩子來則免爾母顧三新婦恥與賊俱生同日罵賊死以全令子名當時衣冠流俯首小學弦歌

卷四教夫婦之倫

五

三十三

昌

求苟活苟活亦何爲遺臭及朽骨堂堂周家母獨抱松柏心千秋血痕在入地爲球琳劉項共逐鹿匪有逆順別陵母能知興史家贊明決何如周母賢舍生得所安我亦舊史氏請補彤管編

樓居吟

有序

朱彭

吾友童鹿庵少失怙其母撫孤守節不下樓者十有五年會邵二雲太史來修府志採其事以表苦節余作此詩

江干老屋樓三楹以木支柱防欹傾童母守節子未立

家無儲粟空瓶罍。鄰有老嫗亦早寔。惻惻都是孤寡者。
爲言苦節當同貞。一居樓頭一樓下。牀前設靈帷。牀後
然土竈。鎮日坐樓頭。樓下跡如掃。驕陽當窗欲燦金。我
心如雪。暑不侵北風。中人欲砭骨。我身如松凍。不折夜
來獨對青燈孤。呼兒擁書依坐隅。頻縫阿母手中線。爲
憐兒體寒。無襦一女襁。襟泣呱呱中宵遺。溺相叫呼。敲
冰濯遺冰刺膚。十指龜圻血模糊。起視爐中宿火無。兒
呻母吟聲淚俱。獨茹荼苦十五載。吾友始得爲通儒。嗚
呼此節誰能如。嗚呼此節誰能如。

小學弦歌

卷四 教夫婦之倫

五

二〇九十一 卷

百歲張節婦蔡氏詩

吳嵩梁

謂妾無夫妾有夫。六載恩愛誓不渝。謂妾有夫妾無夫。
七十九年形影孤。孤天南地北音信無。妾身閨閣心江湖。
青裙白髮涕淚枯。妾身冰雪心蓼荼。嫁夫年十五。一女
癯癯伴孤苦。待夫至百齡。夫竟不歸目不瞑。苦節上壽
皆可傳。旌典不得邀。生前一杯黃土埋寒煙。有姪能文
銘厥阡。謂蔡東我詩合其貞。砥礪女貞一樹青。參天作
愛詩法於蔣心餘諸作皆能具體可以厚人倫。挽薄俗。

徐貞女詩

長洲管錫齡聘室

吳嵩梁

女兒十六花一枝。入門但著白麻衣。郎生未嫁死始歸。
月照空房霜入幃。夢中郎來妾不知。百年甘守命一絲。
殷勤爲郎奉翁姥。郎在黃泉莫心苦。妾死爲郎墳上土。

竹柏樓詩

爲袁節母作兼示又凱秀才

吳嵩梁

樓上星與月。樓下水與雪。母居樓中央。竹柏矢高節。柏
堅竹苦寒。樓居十五年。母足不履地。母心惟顛天。母身
未死心先死。願天祐我少孤子。母身雖死心猶生。願兒
讀書成。令名節母之子多儒林。上天下地鑒此心。君不
見陽湖洪太史。雅存編修燈影機聲畫圖裏。袁家孤兒亦如
此。小學弦歌卷四敬夫婦之倫

畫

三六九
五

曹貞婦彭氏詩

爲曹雲浦副憲作

吳嵩梁

金閨有女冰霜姿。十二齡賦其姜詩。生前不識夫容儀。
死爲執節甘如飴。三十四載無少疵。身未蓋棺心可知。
惟夫有兄風憲持爲弟。立後成庶幾在室。事親歸撫兒。
女順婦貞母則慈。身心百鍊命一絲。藥力不到神扶持。
以此旌典當及時。格於吏議方然疑。封章入告帝。
曰咨彭曹兩姓皆勳楣。有此節媛揚清徽。予以褒獎毋
後期。且慰貞貞淚延期。頤恩榮曠古非。所祈先臣地下

俱涕洟。教忠教孝。由此基。願書彤史。敦倫彝。貞婦為彭文勤元瑞

之女曹文恪秀先之子婦

陳氏雙節詩 三首

吳嵩梁

嗚呼吳孺人事。夫方盛年。閨房之寵。非所專為。夫納賸嗣。乃延嗚呼符孺人。夫歿。願從死。死者已矣。生奈何。視此。瑩瑩兩孤子。上報所天下。存孤白頭。一心誓不渝。兩人生死天扶持。

一子未脫懷。一子甫過膝。成立未可知。不教誨何及。出就外傳。讀父書。入聞母訓。涕淚俱下。子也承權孫。述德孝。小學弦歌。卷四教夫婦之倫。五 又十七 小

友之家貽慶澤。

陳氏有先塋。距家八九里。為夫謀窀穸。吾事粗畢矣。謔謔出。出妖鳥呼火光。三匝周吾廬。反風撲火。火神避積。券一擲。蠲夙逋。家雖中落。力匪紆。敬宗收族。恢前謨。嗚呼。兩孺人志節。今所無。

汪貞女詩

吳嵩梁

妾身未從夫。已受曹氏聘。夫行縱不歸。安忍適異姓。翁書離郎婚。婦生亦何為。父命守吾義。女死猶可遲。樓居二十年。潔身奉甘旨。從一心皎然。送終事畢矣。生以竭

吾孝死以完吾貞嗚呼汪氏女豈求身後名

縱烈婦詩

吳嵩梁

縱氏之婦李氏女事夫九年殉夫死死也同日殮同棺
妾之初願豈如此縱郎未病耽讀書妾以女紅佐勤劬
書聲機聲斷續俱風雨一燈搖蔽廬郎病漸深醫藥誤
牀蓐厠踰手調護以身祈代人不知妾淚何曾有乾處
郎死妾何以生為再擗舅姑從此辭堂上老矣下乏嗣
一死區區明妾志黃金之環妾已吞繡帶手製妾自焚
妾生徒益舅姑累妾死毋先父母聞將死未死命呼吸
小學弦歌

卷四教夫婦之倫

聖

三可女十一

小

家人救之環而泣佯謝守者出復入三尺朱繩掛於室
嘉慶丁丑十一月是日歲除前二日天地鑒觀鬼神集
嗚呼一死人所難烈婦再死心始安此心暫移死不得
萬古之名爭一息

貞烈馮姑詩

吳嵩梁

相名秀瓊蒼梧人幼字羅文燦燦死願歸於羅
不納姑泣曰吾志已決湘君招我矣遂衣衰經

慟哭赴
湘江死

馮女十七齡已字羅氏子鴛鴦不並飛願赴湘江死湘
江之水清且深惟有湘君知我心女生有淚無灑處斑

竹蕭蕭風滿林

丁烈女詩

吳嵩梁

生者不可死。天何奪我胡氏子。妾身未歸心已歸。負義
偷生不如死。死者不可生。丁氏之女格以誠。顧天不得
以身代。代者竟死。死者生。生死之權操自我。騰天入淵
無不可。萬靈阿護。一豎迴。至性所結。生奇才。愚忠愚孝
古來有。遭遇如今天。獨厚一池香水女。所家萬劫開作
青蓮花。

金陵貞孝張女詩

吳嵩梁

小學弦歌

卷四 教夫婦之倫

五

二〇〇九

小女

生爲張氏女。聘作錢家婦。阿婿音信無。願終侍父母。阿
父好遠遊。數年裁一歸。母飢爲進食。母寒爲製衣。阿兄
生一兒。阿嫂病不起。善體父母心。撫若親生子。兒小出
天花。性命在呼吸。臥榻藥煙中。經旬淚痕溼。兒年漸長
成。課之使讀書。風雪夜三更。一燈搖敞廬。承歡四十年。
足不踰門閥。戚黨知女賢。無由望顏色。願爲女貞樹。不
開連理花。冰霜完苦節。詩禮出名家。峨峨鍾山雲。湛湛
青溪水。山水揚清風。表此貞孝里。錢郎有此婦。錢郎死
亦生。張氏有此女。千秋貽令名。

張女許字錢郎。音無音。信女遂終養父母。此遭。

變而不失其正者非過於
矯激廢夫婦之倫者比也

弔戰烈婦

蔡陽縣人夫病籲天祈代夫死悲絕

果阿仁

冰雪長歌節婦詞同歸頃刻信稱奇沈郎病體初沈日
謝女芳魂已歇時石化江頭愁莫轉蟬吟樹杪恨難移
闡幽惟倩風人筆譜入其姜矢死詩

紀歲珠

汪洪度

鄉鄰某娶婦甫一月卽行賈婦刺繡易食以其
餘積歲置一珠用綵絲繫焉曰紀歲珠夫歸婦
沒已三載啟篋得珠
已積二十餘顆矣

鴛鴦鴻鵠雁鵠柔荑慣繡雙雙逐幾度拋鍼背人哭
小學弦歌

卷四教夫婦之倫

垂

三

文小

一歲眼淚成一珠莫愛珠多淚易枯小時繡得合歡被
線斷重緣結未解珠纍纍天涯歸未歸

示內

沈受宏

莫歎貧家卒歲難北風曾過幾番寒明年桃柳堂前樹
還汝春光滿眼看

如此處貧終身可恨怨尤
視牛衣對泣者身分遠過

出門別妻子

三首

鄭世元

身病不得安行役赴南嶠五嶺天之末未知幾時到仰
見秋鴻征傲傲背雲叫回首望鄉里夢魂使顛倒我恨
不如月兩處能相照轆轤挂心頭轉轍向誰告

在家不知好出門便心悲嬌女繞我膝小兒挽我衣似亦解離別卻去還復來惟此不忍割令我殊依依昨日入南市思買繒綺歸綺要機中織蠶婦方纈絲將絲撚作線成衣知幾時我老待兒養塌焉摧心脾

勿用顧旅人我猶得自強融融榮衛間漸覺回二陽飢已思食肉渴已思飲漿前途雖然遙有弟相扶將只愁鴻雁少不慮歲月長但看嶺梅發知我思故鄉明年五月寄汝荔支嘗

寄遠曲 二首

朱柔則 沈用濟妻

小學弦歌

卷四 教夫婦之倫

五

十三小

恨少垂楊柳殷勤繫玉鞍夕陽鴉背暖春雪馬蹏寒入世逢迎拙人去住難癡兒啼向我昨夜夢長安

獵獵風初勁沈沈雨未闌因憐兒被薄轉憶客衣單栖燕將雛苦征鴻失侶寒居家與行路同是一艱難

聞說燕臺路生涯亦可憐恥彈門下欽誰乞廣文錢久客非長策歸耕有薄田一棺痛慈母急爲卜牛眠

送夫子北上

顧英 張之頌妻

杜鵑喚春歸和風吹芳芷何堪對斯景把酒送吾子分手即天涯惜此須臾晷別緒如繭絲柔情似潭水離懷

寄孤鴻相思託雙鯉。征途勉加餐。努力拾青紫。上慰高堂。親下酬賢伯氏。君行旣雅醕。君才復俊美。但保金石心。豪門勿投趾。桃李易凋殘。松柏豈朝萎。行矣勿悲嗟。風雲自此始。

偶成

宋凌雲

李博妻

天外魚書絕。征人豈念家。可憐小兒女。夜夜看燈花。

別亡妻墓

沈德潛

白衣白髮翁。來祭亡妻墓。麥飯澆山泉。生平此饜飫。汝

魄依尊章。眷屬時相聚。我方遠行征。輶赴長路。眷焉

小學弦歌

卷四教夫婦之倫

五

二〇四

五

不忍別。欲去屢瞻顧。我心餘愴怳。恐汝常不寤。回首望

高原。愁雲滿深樹。去天一涯。魂夢難飛度。我生復幾

何。崦嵫景將暮。百歲歸其居。行與汝重遇。天下節烈婦人多而能盡

大道者轉少此等詩足見性情之厚

除夜平原旅舍夢亡妻

查慎行

分明入夢又曹騰。昨歲今朝病正增。倦枕爲余猶強起。

殘樽到手已難勝。圍爐炊火兒烹藥。薄雪鉤簾婢上燈。

誰遣荒雞忽驚覺。北風茅店冷於冰。此與上篇皆可以敦薄夫

悼亡詩二首

李必恆

一室何啾啾。人語雜鬼哭。那得少踟躕。黃泉路迫促。飛
來白項鳥。啞啞上我屋。心知不吉祥。其時六月六。病婦
晨起坐。清水自膏沐。再拜辭舅姑。雙足不能縮。灑泣眼
無淚。酸苦只在腹。迴頭語小姑。語咽氣復蹙。可憐我生
兒。艱苦賴鞠育。勿以生死異。飢飽時在目。開我嫁時箱。
布衣未堪鬻。指日秋風來。改作兒衣服。

徽音久如何。日月忽已積。枯坐慘不歡。出門昧所歷。空
房起晝陰。冷氣出枕席。窗多蛛結網。案盡鼠行跡。亦有
筐中麻。燈火手自績。亦有所對鏡。花鈿恣狼籍。徘徊思
小學。弦歌

卷四 教夫婦之倫

三

三九十六

明

言笑彷彿。面如覲。回頭遽欲語。撫心一標擗。前夜夢見
之色。慘體更瘠。恍惚絮語。閒問兒何所。食暫時。魂魄聚
覺後。泉壤隔。忘情愧太上。莊缶詎忍擊。此所謂貧賤夫
妻百事哀也。孔
子於子臣弟友自問未能而言不及。妻知無取乎。過臚
也。然當死生之際。自有不能忘情者。此等詩要足厚人
倫而愧
薄倖耳。

司馬相如

葉舒瑤

挑得琴心正。倦遊墟邊尙典鵲。鷄裘長門解。爲他人賦。
卻惹閨中怨。白頭相如本薄倖之徒。不能正其
始。自不能善其終。可爲炯戒。

小學弦歌卷四

終

小學菴歌卷五

教兄弟之倫

七步詩

魏曹植

魏文帝嘗令陳思王植七步作詩如不成將行大法植應聲云云帝有慚色

煮豆持作羹，漉豉以為汁。其在釜下然，豆在釜中泣。本是同根生，相煎何太急。

九日憶山中兄弟

唐王維

獨在異鄉為異客，每逢佳節倍思親。遙知兄弟登高處，

遍插茱萸少一人。

不曰己思兄弟而曰兄弟思己一往情深

小學菴歌

卷五教兄弟之倫

一 字三百十 玉 点一百五十五 明

上畱田行

李白

上畱田地名其地有人父母死而不字其弟者為弟作歌以諷其兄故名上畱田亦古樂府

行至上畱田，孤墳何崢嶸。積此萬古恨，春草不復生。悲

風四邊來，腸斷白楊聲。借問誰家地，藪歿蒿里塋。古老

向余言，言是上畱田。蓬科馬鬣皆已平，昔之兄死弟不

葬。他人於此舉銘旌，一鳥死，百鳥鳴，一獸走，百獸驚。桓

山之禽，別離苦，欲去迴翔不能征。田氏倉卒骨肉分，青

天白日摧紫荆，交柯之木本同形。東枝顛頽西枝榮，無

心之物尚如此，參商胡乃尋。天兵孤竹延陵讓，國揚名

高風絲邈。頽波激清。尺布之謠。塞耳不能聽。

月夜憶舍弟

杜甫

戍鼓斷人行。邊秋一雁聲。露從今夜白。月是故鄉明。有弟皆分散。無家問死生。寄書長不達。況乃未休兵。

得舍弟消息

杜甫

近有平陰信。遙憐舍弟存。側身千里道。寄食一家村。烽舉新酣戰。嘵垂舊血痕。不知臨老日。招得幾人魂。汝懦歸無計。吾衰往未期。浪傳烏鵲喜。深負鵲鴒生。理何顏面憂。端且歲時兩。京三十口。雖在命如絲。

小學茲歌

卷五 教兄弟之倫

二 字三百十
点一百五十五
明 玉

喜弟觀即到

杜甫

巫峽千山暗。終南萬里春。病中吾見弟。書到汝為人。意答兒童問。來經戰伐新。泊船悲喜後。款款話歸秦。

第五弟豐獨在江左近三四載寂無消息覓便寄

此

杜甫

亂後嗟吾在。羈棲見汝難。草黃騏驎病。沙晚鶴鴒寒。楚設關城險。吳吞水府寬。十年朝夕淚。衣袖不曾乾。

示弟

韋應物

余解郡符去。汝爲外事牽。甯知風雨夜。復此對牀眠。始

話南池飲更詠西樓篇無將一會易歲月坐推遷

風雨對牀

二語東坡兄弟為之流連不置

對酒示弟兄簡

白居易

今日一樽酒歡暢何怡怡此樂從中來他人安得知兄弟惟二人遠別恆苦悲今春自巴峽萬里平安歸復有雙幼妹笄年未結縈昨日嫁娶畢良人皆可依憂念兩消釋如刀斷羈縻身輕心無繫忽欲凌空飛人生苟有累食肉常如飢我心既無苦飲水亦可肥行簡勸汝酒停杯聽我辭不歎鄉國遠不嫌官祿微但願我與汝終小學茲歌

卷五教兄弟之倫

三

五十一
安玉

老不相離

示弟

許渾

自汝出門去淚痕常滿衣家貧爲客早路遠得書稀文字誰人識煙波幾日歸秋風正搖落孤雁又南飛

送弟

杜荀鶴

我受羈棲慣客情方細知好看前路事不比在家時勉汝言須記逢人善卽施旅中無廢業時作一篇詩

雨夜憶家

韓偓

垂老何時見弟兄背燈愁泣到天明不知短髮能多少

一滴秋霖白一莖

送兄

七歲女子

武后時有七歲女子能詩武后命賦別兄應聲而成云

別路雲初起離亭葉正飛所嗟人異雁不作一行歸

獄中寄子由 二首

宋蘇軾

聖德如天萬物春小臣愚暗自亡身百年易了先償債
十口無歸更累人是處青山好埋骨他年夜雨獨傷神
與君今世為兄弟再結來生未了因

小學歌

卷五教兄弟之倫

四

三ノナハ
フナ三

玉安

魂飛湯火命如雞眼中犀角真吾子身後牛衣愧老妻
百歲神游定何處桐棺知葬浙江西

山中憶兄弟

項容孫

鴻雁不成行飄零歲月長一身三處夢五夜九回腸積
雪欺茅屋孤燈照錦囊何當聽夜雨卻話此淒涼

寄季弟郢中并寄仲弟 二首

元傅若金

弟兄終歲長羈旅南北何時卻定居春至每瞻衡嶽雁
秋來猶食武昌魚每愁年長須經事即恐家貧廢讀書
仲氏應門獨辛苦平安消息近何如

吾親霜鬢日紛紛爲客艱難不使聞養老只須長善飯
生兒何必總能文書同洛下思黃耳心似河陽見白雲
季弟還家報兄好歸期猶恐過春分

思弟

戴良

將老計轉拙故里不得安兄弟各東西何用保餘年前
時吳山上與汝酌東軒已知是久別杯行淚如泉征夫
懷往路居士戀故山音容從此隔望望兩心酸去冬得
汝書知汝病未痊道遠不能顧掩書一長歎邇年頻夢
汝喜汝無病顏生死方未知誰能詰其端自嗟農家子
小學弦歌

卷五教兄弟之倫

五

三ノケス

小五

止合老田園才疏學更誤遂爲塵網纏晚節益零落何
日得言旋仰視雲邊雁羣飛必相連徘徊失所從愴然
摧心肝

醒世

二首

僧法昭

兄弟同居忍便安莫因毫末起爭端眼前生子又兄弟
畱與兒孫作樣看

同氣連枝各自榮些些言語莫傷情一回相見一回老
能得幾時爲弟兄

讀此等詩而猶不變鬪牆之失者必其無人心者也

憶弟

明莊昶

天邊聞一雁。杳杳向南徂。今夜西風冷。他鄉小弟孤。五
人千里去。九月一書無。欲寄雙行淚。憑誰達客途。

亂後初入吳與舍弟小酌

王世貞

與汝同茲難。重逢恐未真。一身初屬我。萬事欲輸人。天
意甯羣盜。時艱更老親。不堪追往昔。醉語亦傷神。一身屬
我與書到汝爲
人各極沈痛

別兄

李應昇

病餘憔悴一孤身。歸去寬心慰兩親。長願生生爲手足。

鴛鴦原上了前因。

此被逮時中
途別兄之作

小學弦歌

卷五教兄弟之倫

六

三十一
五十三
小五

舍弟來都中省視喜而有作

三首

彭桂

相持莫下拜。拭淚認分明。訝汝顏何瘦。令予痛失聲。飢
寒畱賸骨。患難得餘生。乍見渾無語。一時悲喜并。
爲致慈親語。殷勤勸早歸。歎余違井邑。況汝別庭闈。每
念口饔苦。深慚彈鋏非。向來多少淚。都染手縫衣。弟傳
親語

勸歸而已與弟轉並滯客途倚
間之思愈切矣此種真是杜詩

更傳兒女意。盡解憶長安。索飯嘸堪念。牽衣別自難。兩

人今旅次。八口在江干。此際愁何似。秋風暮更寒。比不
解憶

長安更覺可悲不解憫其
無知也盡解又憐其慧也

遇赦成伊犁次東坡韻寄弟

本朝

謝濟世

嚴霜初隕。陡回春雷。得衝鋒。冒鎬身。綸綍乍宣。渾似夢親朋。相慶更爲人。敢辭弓劍。趨戎幕。已免銀鑄禮獄神。早晚扶歸君莫痛。蹢躅勃窣亦前因。

尙方借劍心。何壯牘背書。辭氣漸低。已分黃泉埋碧血。忽聞丹闕放金雞。花看上苑期。難弟萱護高堂。仗老妻且脫南冠北庭去。大宛東畔賀蘭西。

鬱鬱詞二首

鄭元世

年荒有兄不顧其弟者作此詞以感之

小學弦歌

卷五教兄弟之倫

七

三九廿一 五

鬱鬱紫荆枝。條紛紛。枝條雖分其本。則均。父母生兒。惟我弟昆。弟昆分形血氣。一源。予手若創。予足不伸。予體不伸。予心煩。冤兄兮不關。誰知予之飢寒。

相彼鳴雁。猶同其羣。胡今之人不知有弟昆。我視之弟。親視之子。念我父母兮。心熱而頰泚。

田氏紫荆里

翁志琦

田氏遺墟沒草萊。春風猶見紫荆開。願攜當日連枝種。分與人間處處栽。無兄弟者讀此益增杖杜之感

畱別仲弟德尹

查慎行

雞聲驚起對牀眠。纔說江關便黯然。與汝未曾經遠別。得歸難定是何年。渡江風物。悲元亮。懷土人情。感仲宣。瓦屋三間門兩版。頻煩爲我掃東偏。

喜得尹至都 二首

查慎行

別是尋常會卻奇。鶴鴿沙外影離離。可憐半世爲兄弟。兩度相逢在路歧。

敝裘寒色國西門。刮面西風太少恩。不是雪花如掌大。豈知姜被果奇溫。

寄家兄勵齋先生 時客漢皋

張學尹

小學弦歌

卷五教兄弟之倫

八 二十九十五

嘹唳霜鴻枕上聞。天涯風雨愴勞人。青山又作半年別。白首俄驚七十春。夢裏不知江漢遠。老來惟覺弟兄親。歸期好及黃花發。扶杖相將汨水濱。

教朋友之倫

徐人歌

新序

延陵季子將聘晉。帶寶劍。徐君不言而色欲之。季子已心許之矣。使反而徐君已死。乃以劍挂徐君墓樹而去。徐人爲之歌。

延陵季子兮。不忘故脫千金之劍。兮挂邱墓。

越謠歌

風土記

越俗初與人交封土築壇祭以犬雞祝曰

君乘車我戴笠他日相逢下車揖君擔簦我跨馬他日相逢為君下

貧交行

唐 杜甫

翻手為雲覆手雨紛紛輕薄何須數君不見管鮑貧時交此道今人棄如土

送鄭十八虔貶台州司戶闕為面別情盡於詩

杜 甫

鄭公樛散鬢如絲酒後常稱老畫師萬里傷心嚴譴日小學弦歌卷五教朋友之倫 九 二九十一 一〇〇三 兩

百年垂死中興時倉皇已就長途往邂逅無端出餞遲便與先生應永訣九重泉路盡交期讀末二語真可謂生死之交

夢李白 二首

杜 甫

死別已吞聲生別常惻惻江南瘴癘地逐客無消息故人入我夢明我長相憶恐非平生魂路遠不可測魂來楓葉青魂返關塞黑君今在羅網何以有羽翼落月滿屋梁猶疑照顏色水深波浪闊無使蛟龍得

浮雲終日行游子久不至三夜頻夢君情親見君意告歸常局促苦道來不易江湖多風波舟楫恐失墜出門

搔白首若負平生志冠蓋滿京華斯人獨憔悴孰云網恢恢將老身反累千秋萬歲名寂寞身後事

傷友

秦中吟十首之一

白居易

陋巷孤寒士出門苦栖栖雖云志氣在豈免顏色低平生同門友通籍在金閨曩者膠漆契邇來雲雨睽正逢下朝歸軒騎五門西是時天久陰三日雨淒淒蹇驢避路立肥馬當風嘶迴頭忘相識占道上沙隄昔年洛陽社貧賤相提攜今日長安道對面隔雲泥近日多如此非君獨慘悽死生不變者唯聞任與黎

小學弦歌

卷五教朋友之倫

十一

三十一二成
二十七

聞樂天左降江州司馬

元稹

殘燈無焰影幢幢此夕聞君謫九江垂死病中驚坐起
暗風吹雨入寒窗白樂天云此詩他人尚不可聞况僕哉

得樂天書

元稹

遠信入門先有淚妻驚女泣問何如尋常不省曾如此
應是江州司馬書

審交

孟郊

種樹須擇地惡土變木根結交若失人中道生謗言君子芳桂性春榮冬更繁小人槿花心朝在夕不存莫躡

冬冰堅中有潛浪翻唯當金石交可以賢達論

題羊左墓

宋 史彌鞏

羊角哀與左伯桃為友聞平王好士同入楚值雨雪絕糧桃乃併衣食與哀令往事楚而自餓死空樹中哀至楚為上大夫言於王備禮以葬桃葬畢哀自殺

餘耳當年刎頸交所爭利害僅毫毛一朝泚水相屠戮豈識羊哀左伯桃

示蔡通判

賈同

蔡文忠齊判濟州時頗嗜酒賈希德以此箴之

聖君寵重龍頭選慈母思深鶴髮垂君寵母恩俱未報小學啟歌 卷五教朋友之倫 十一 三六五 章 春

酒如成病悔何追

泉南兩義士歌

明 高 啟

孫天富陳寶生皆泉州人寶生幼孤天富與約為兄弟謀航海賈於外國天富曰爾獨子勿遠違親吾代子行寶生不可乃更迭以行至十年巨富猶不稽其子本彼此皆不私一錢雖異姓猶同胞也於是中外皆稱為兩義士云

泉南兩士陳與孫少小相約為弟昆合疎成戚契誼重異木纏結如同根升堂握手出肺腑交拜二母開疊樽具舟期賈海外域欲度夷熨窮崑崙滄溟東望浸天爛颶風怒攬波濤渾天吳恍惚出怖容掀舞蛟鰐飛鵬鷁

孫言陳宗惟子在遠涉巨險吾宜奔汝親頭白倚門切
慎切輕去違晨昏相讓不得乃更往挂席遙指扶桑瞰
望山行覓島中國卉服通譯侏離言尋煙暮投薜荔屋
趁墟晝集枕榔邨踰年還家喜得寶木難火齊并瑤琨
探囊用取兩不較屑屑彼我誰復論急難相援誓終始
歲時燕慶烹羔豚義風久已動殊俗椎髻相見知欽尊
我聞同氣有爭利鬪牆往往隳家門又看結交許歲晚
盟盤未撤渝情恩管鮑居貧乃共濟餘耳得勢終相吞
若茲二子古亦少簡牘可使他年存作歌爲繼王子傳
小學弦歌

卷五教朋友之倫

士

七十三

章

薄俗視此應堪敦

世之同胞而鬪牆者讀此能無愧悔

得李獻吉江西書

何景明

近得潯陽江上書遙思李白更愁予天邊魑魅窺人過
日暮鼉鼉傍客居鼓柁襄江應未得買田陽羨定何如
他年淮水能相訪桐柏山中共結廬

當時何李並稱以復古自任其交情

亦極真摯此詩神來之作不以工拙論也

寄懷彭民望湘中

李東陽

斫地哀歌興未闌歸來長缺尙須彈秋風布褐衣猶短
夜雨江湖夢亦寒木葉下時驚歲晚人情閱盡見交難

長安旅食淹。畱地慙愧先生首。荷盤民望得此詩潸然淚下悲歌數十遍。
不休曰西涯所造一至此乎蓋性情之所感也

樹中餓樂府之一

李東陽

詠左伯桃羊角
哀事已見上

山深雪寒路坎坷。兩死何如一生可。桃才自信不如哀。
君若有功何必我。楚王好士得燕才。燕家未築黃金臺。
當時周室何爲哉。吁嗟乎樹中餓死何足惜。何似西山
採薇食。

滁陽別諸友有序

王守仁

小學弦歌

卷五教朋友之倫

三

三ノナナ

春

滁陽諸友送予至烏衣不能別。王性甫汝德復
送至江浦畱居俟予渡江書此促之歸并寄諸
賢。

滁之水入江流。江潮日復來。滁州相思若潮水。來往何
時休。空相思亦何益。欲慰相思情不如崇令德。握地見
泉水隨處無。弗得何必馳驅爲千里遠。相卽君不見。堯
羹與舜牆又不見孔與跖。對面不相識。逆旅主人多慙
慙。出門轉盼成路人。文成所到處士人多從之問學此
詩勉以崇令德使歸而求之深得

贈言之義

古風

本朝 嚴允肇

世路眞險巇。泰山起方寸。要盟矢天日。咄嗟不相信。耳餘刎頸交。禍基起奪印。武安傾魏其。杯酒遂成釁。睚眦按劍怒。磨牙雪餘恨。兩虎不相下。報施理亦近。爲國忘私讐。千秋思廉藺。

三義行

蔣士銓

克什泰何堂堂。鑲藍旗人贊禮郎。不讀書。畧識字。耳內不甚知聖賢性。中獨自有仁義一妻二子三十餘。出入乘一馬亦無婢與奴。凡其所行事皆曰古丈夫官滿當。

小學弦歌

卷五 教朋友之倫

四

二五

章

外補送者來塞途。哭聲哀哀手執袂。古丈夫去今更無江甯進士曰龔孫枝。歷任到古州官理苗同知。文士作循吏才大而數奇。以事鑄級走京師。眷屬二十口孰救寒與飢。後官爾何人是爲克什泰前官衣食我任之。他家飽暖吾心使。如是五六年施者受者皆自然。但曰前官是好官。龔君遙遙感且歎。及龔倅東昌家人始團樂。一舟素旆經河干。嗚呼古丈夫死矣。身在棺是時龔奉檄往督糧艘還遲遲半載。龔遊長安訪於太常街孤孀漸飢寒龔哭失聲相慰勞苦貸錢買屋莫厥居醜酒頻。

澆趙州士二子十餘齡當延句讀師雖然世稟仁義性亦須借誦聖賢詞嗟哉奇士適遇之義行更爲古所稀奇士名龔涵是爲君從子年二十二美且都從君遠到長安市涵婦翁方應綸丞束鹿召涵婚涵聞兩孤且廢學長跪叔前流涕陳願不負叔生死誼涵請暫畱贅婿身斷齋畫粥偕二子或者師弟皆成人叔笑且悲告邱嫂孀乃擇吉延師云嗚呼三義士先後同一轍誰道今人棄如土各以酸心傾熱血噫噓唏請君讀我三義行一死一生見交情君不見黃金滿簾惟自固轉眼兒孫

小學弦歌

卷五教朋友之倫

五

二十六

章

嗟道路

其人其事本足風世而瘦硬通神之筆復足以達之令人感發興起

聞陸旣藩柩歸弔之

黃中堅

昨得傳來信靈輻返故居悲深翻作喜望切轉疑虛一棹風煙外孤魂憂患餘生還當此日歡笑定何如

至情至性

可謂生死之交

小學弦歌卷五

終

